

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
NOV 16 1941

T9299/8125(58)

偽命分爭門八

唐末十國篇一

吳楊行密據淮南章

偽命分爭門九

唐末十國篇二

閩王氏據福建章

漢劉氏據廣州章

前蜀王建據蜀章

偽命分爭門十

唐末十國篇三

吳越錢鏐據兩浙章

道部創業類

學海君道部卷之一百七十

創業類

偽命分爭八

唐末十國篇

吳楊行密據淮南章

太祖武皇帝楊行密初名行愍廬州合肥人初為州牙將

楊行密廬州合肥人初名行愍唐乾符中江淮羣盜起行密以為

盜見凌刺史鄭棨奇其狀貌釋縛縱之後應募為州兵戊朔方歲

滿戍潯陽牙將

僖宗中和

癸卯春三月以楊行愍為廬州刺史

楊行愍

有戰功都將忌之白刺史郎勿復直更出戍於外

哈佛大學漢和
圖書館珍藏印

行愍將行過都將舍都將以其言悅之間其舟須臾正須汝頭耳遂起斬之并將諸營自稱八營都知兵馬使幼復不能制薦於淮南節度使高駢請以自代駢以行愍爲廬州刺史行愍聞州人王最賢召欲用之固辭問其子弟曰子潛好學慎密可任以事弟子稔有氣節可爲將行愍召潛置門下以稔及定遠人季章爲騎將初淮南呂用之因俞公楚得見高駢用之橫甚公楚數戒用之自歛用之即之姚歸禮尤疾用之所爲使人殺之不獲用之於是日夜潛二將於駢未幾駢使二將將驍雄卒二千襲賊於慎縣用之密以語楊行愍云公楚歸禮欲襲廬州行愍發兵掩之二將不爲備舉軍盡殪以二將謀亂告駢駢不知用之之謀厚賞行愍

四年

甲辰

春三月羣盜寇舒州楊行愍遣兵擊斬之

高駢以子漢知舒州事羣盜陳需攻舒州漢求救於廬州楊行愍不能救謀於其將李神福神福請不用寸刃而逐之乃多齎旗幟間道入舒州頃之引舒州兵建廬州旗幟而出指畫地形若布大陳狀賊懼宵遁久之羣盜吳迴季本復攻舒州漢不能守棄城走駢使人就殺之行愍遣其將陶雅張訓等將兵擊吳迴季本擒斬之以雅攝舒州刺史秦宗權遣其弟將兵寇廬州據舒城行密遣其將合肥田頔擊走之

光啟二年

丙午

冬十二月張翺寇廬州楊行愍遣兵擊敗之

增

壽州刺史張翺遣其將魏虔將萬人寇廬州廬州刺史楊行愍遣其將田頔李神福張訓拒之敗虔于褚城滁州刻已午勅襲舒州

陶雅奔廬州高駢命行愍更名行密

三年_{丁未}夏四月淮南都將畢師鐸等執高駢而幽之宣州觀察使秦彥入揚州廬州刺史楊行密引兵攻之

四月高駢聞秦宗權將寇淮南遣都知畢師鐸屯高郵以拒之時呂用之用事宿將多爲所誅師鐸自危遂與高郵鎮遏使張神劔密謀起兵漢南軍使鄭漢章以兵從之至廣陵城下復遣使乞師于宣州觀察使秦彥彥遣兵助攻城克之師鐸遣使至宣城趣秦彥過江而囚高駢於道院師鐸之攻廣陵也呂用之詐爲駢牒署楊行密行軍司馬追兵入援廬江人袁襲說行密曰高公昏惑用之姦邪師鐸悖逆凶德參會而求兵於我此天以淮南授明公也起赴之行密乃悉發廬州兵復借兵於和州刺史孫端合數千人

赴之五月至天長用之引兵歸之張神劔求貨於畢師鐸師鐸以俟秦司空之命神劔怒亦以其衆歸於行密及海陵鎮遏使高霸曲溪人劉金盱貽人賈令威悉以其衆屬焉行密衆至萬七千人張神劔運高郵糧以給之丙申秦彥入廣陵自稱權知淮南節度使以畢師鐸爲行軍司馬補池州刺史趙錚爲宣歙觀察使守宣州戊戌行密師諸軍抵廣陵城下爲八寨以守之秦彥閉城自守六月戊午秦彥遣秦稠畢師鐸將兵八千出城西擊行密稠敗死士卒死者什七八城中乏食樵採路絕宣州軍始食人

秋八月秦彥遣兵擊楊行密大敗而還九月秦彥殺高駢

七月淮南將吳苗帥其徒八千人踰城降楊行密八月丁卯秦彥悉出城中兵萬二千人遣畢師鐸鄭漢章將之陳入城西延袤數

里

楊行密軍於揚子蓋並廣陵之西山以逼城

軍勢甚盛行密安臥帳中曰賊近我

牙將李宗禮曰衆寡不敵宜堅壁自守徐圖還師李濤怒曰吾以順討逆何論衆寡太軍至此去將安歸濤願將所部為前鋒保為公破之行密乃積金帛麩米於一寨使羸弱守之多伏精兵於其旁自將千餘人衝其陳兵始交行密陽不勝而走廣陵兵追之入空寨爭取金帛麩米伏兵四起廣陵衆亂行密縱兵擊之俘斬殆盡師鐸漢章單騎僅免自是秦彥不復言出師矣九月秦彥殺高駉并其族行密聞之帥士卒縞素向城大哭三日

冬十月楊行密克揚州

秦彥遣鄭漢章將步騎五千出擊張神劔高霸寨破之神劔奔高

郵霸奔海陵

張神劔高霸各奔歸舊屯之地

楊行密圍廣陵且半年秦彥等戰多

不利城中無食行密亦以城久不下欲引還會夜大風雨呂用之部將張審威帥麾下士三百晨伏於西壕俟守者易代潛登城啟關納其衆守者皆不關而潰彥師鐸出奔東塘行密帥諸軍合萬五千人入城行密自稱淮南留後

十一月秦宗權遣孫儒攻揚州屠高郵

秦宗權遣其弟宗衡將兵萬人度淮與楊行密爭揚州孫儒為副

張佶劉建鋒馬殷及宗權族弟彥暉皆從十一月辛未抵廣陵城

西行密據故寨

攻守之勢地有所必爭楊行密之攻廣陵也寨于城西蔡人之攻行密又據其故寨蓋爭形勝者難

以他行密輜重之未入城者為蔡人所得秦彥畢師鐸引兵與宗

衡合孫儒稱疾不行宗衡屢促之儒遂殺宗衡傳首於朱全忠宗

衡將安仁義降於行密仁義本沙陀將也行密悉以騎兵委之列

於田頔之上儒分兵掠鄰州未幾眾至數萬以城下乏食與彥師
鐸襲高郵辛巳張神劔帥麾下二百人逃歸揚州丙戌孫儒屠高
郵戊子高郵殘兵七百人潰圍而至行密慮其為變分隸諸將一
夕盡阮之明日殺神劔於其第行密恐孫儒乘勝取海陵命鎮遏
使高霸帥其兵民悉歸府城曰有違命者族之於是數萬戶奔資
產焚廬舍挈老幼遷於廣陵戊戌霸等至廣陵行密出郭迎之置
其將卒於法雲寺

閏月以朱全忠兼淮南節度使

朝廷以淮南久亂閏月以朱全忠兼淮南節度使

舊記十一月秦彥引孫儒之兵

攻廣陵行密遣使求援于朱全忠制授全忠兼淮南節度使行營兵馬都統

楊行密欲遣高霸屯天長

以拒孫儒表襲曰向氏舊將當扶兩端我勝則來不勝則叛今

處之天長是自絕其歸路也不如殺之巳酉行密執霸等皆殺之
并殺其黨於法雲寺死者數千人是日大雪寺外數坊地皆赤

楊行密斬呂用之

呂用之在天長也給楊行密曰用之有銀五萬錠埋於所居庚戌
行密閱士卒顧用之曰僕射許此曹娥何食言邪因牽下械擊邀
高駢至縊殺之腰斬用之誅其族袁襲言於行密曰廣陵飢弊巳
甚蔡賊復來民必重困蔡賊謂孫儒也不如避之甲寅行密遣和州將延

陵宗以其眾二千人歸和州

孫儒所遣助楊行密者今遣還

乙卯又命指揮使蔡

儔將兵千人輜重數千兩歸于廬州朱全忠遣內客將張廷範致
朝命於楊行密以行密為淮南節度副使又以季璠為淮南留後
遣牙將郭言將兵送之假道于徐州時溥溥以兵拒之不得至戊

申正月孫儒殺秦彥舉師鐸等張延範至廣陵行密厚禮之及聞李璠來為留後怒有不受之色延範密使人白全忠宜自以大軍赴鎮全忠從之至宋州延範自廣陵逃來曰行密未可圖也及李璠至言徐軍遮道全忠乃止二月朱全忠奏以楊行密為淮南留後三月僖宗崩昭宗即位

夏四月孫儒襲揚州陷之

孫儒襲陷揚州楊行密出走儒自稱淮南節度使行密將奔海陵袁襲勸歸廬州再為進取之計從之

秋八月楊行密圍宣州

楊行密畏孫儒之逼欲輕兵襲洪州袁襲曰鍾傳定江西已久

鍾傳定洪州兵強食足未易圖也趙鏗新得宣州怙亂殘暴眾心不安

公宜早辭厚幣說州孫端上元張雄使自采石濟江侵其境彼

必來逆戰公自銅官濟江會之今池州東北一百四十里銅陵縣有銅官渚破鏗必矣

行密從之使蔡儔守廬州帥諸將濟自糝潭九域志無為軍無為縣有糝潭鎮今江行

白糝潭口東過泥汭口又東過柵江口孫瑞張雄為趙鏗所敗鏗將蘇塘漆朗將兵

二萬屯曷山宣州當塗縣西南有曷山其東則東梁山袁襲曰公引兵急趣曷山堅壁

自守彼求戰不得謂我畏怯伺其怠可彼也行密從之塘等大敗

遂圍宣州鏗兄乾之自池州帥眾救宣州行密使其將陶雅擊乾

之于九華破之乾之奔江西以雅為池州制置使

昭宗龍紀元年西夏六月以楊行密為宣歙觀察使

楊行密圍宣州城中食盡人相嚼指揮使周進思據城遂趙鏗鏗將奔廣陵田頽追擒之未幾城中執進思以降行密入宣州鏗將

宿松周本勇冠軍中行密獲而釋之以爲裨將行密表言於朝詔以行密爲宣歙觀察使朱全忠與錕有舊使求之表襲勸行密斬首還之未幾襲卒行密哭之曰天不欲成吾大功邪何爲折吾股肱也吾好寬而襲每勸我以殺此其所以不壽歟孫儒遣兵攻廬州蔡儔以州降之十月行密遣馬步都虞侯田頔等攻常州爲地道入城中宵旌旗甲兵出於制置使杜稜之寢室遂虜之以兵三萬戍常州十二月孫儒自廣陵引兵渡江逐田頔取常州以劉建鋒守之儒還廣陵建鋒又逐成及取潤州

大順元年

庚戌

春二月楊行密取潤州以楊行密爲寧國軍節度使

二月朱全忠遣龐師古等入淮南聲言救楊行密與孫儒戰於陵亭岡古兵敗而還行密遣其將馬敬言將兵五千乘虛襲樞閩州

李友將兵二萬屯青城將攻常州安仁義劉威田頔敗劉建鋒於武進敬言仁義頔屯潤州三月朝廷賜宣歙軍號寧國以行密爲節度使八月孫儒攻潤州行密將李友拔蘇州九月行密以其將張行周爲常州制置使閏月孫儒遣劉建鋒攻拔常州殺行周遂圍蘇州十二月儒拔蘇州殺李友安仁義等聞之焚潤州廬舍夜遁孫儒遂有蘇潤

楊行密遣安仁義破錢鏐之兵而取常蘇潤孫儒又從而奪之民之之死於兵者不知其幾矣

二年

辛亥

春正月孫儒攻宣州

孫儒大舉淮蔡之兵濟江自潤州轉戰而南田頔安仁義屢敗退楊行密城戍皆望風奔潰儒將李從立奄至宣州東溪行密守備尚未固衆心危懼夜使其將臺濛將五百人屯溪西濛使士卒傳呼往返數四從立以爲大衆繼至遽引去儒前軍至溧水行密使

都指揮使李神福拒之神福陽退以示怯儒軍不設備神福夜帥精兵襲之俘斬千人

夏五月孫儒遣兵據滁和陽行密攻克之

四月楊行密遣將劉威朱延壽將兵三萬擊孫儒于黃池威等大敗孫儒軍于黃池五月大水諸營皆沒乃還揚州使其將康晔據和州安景思據滁州楊行密遣其將李神福攻和滁康晔降安景思走

秋七月孫儒焚揚州渡江楊行密引兵拒之

增

朱全忠遣使與楊行密約共攻孫儒儒恃其兵彊欲先滅行密後敵全忠移牒藩鎮數行密全忠之罪且曰俟平宣汴當引兵入朝除君側之惡於是悉焚滁州廬舍盡驅丁壯及婦女度江殺老弱

以瓦食行密將張訓李德誠潛入揚州滅餘火得穀數十萬斛

賑飢民 揚州之民仇孫儒而德揚行密使孫儒不 泗州刺史 死於宣州揚州之民亦必歸揚行密矣

貸數萬斛以給軍訓以行密之命饋之諫由是德行密八月乙未

孫儒自蘇州出屯廣德行密引兵拒之儒圍其寨行密將李簡帥

百餘人力戰破寨拔行密出之

十二月孫儒攻宣州

孫儒焚掠蘇常引兵逼宣州錢鏐復遣兵據蘇州

蘇州自此為儒 錢氏所有

屢破行密之兵旌旗輜重且百餘里行密求救於錢鏐鏐以兵食

助之

景福元年壬子春二月孫儒圍宣州楊行密取常潤州

正月楊行密謂諸將曰孫儒之衆十倍於我吾戰數不利欲退保

餉官何如劉威李神福曰儒掃地遠來利在速戰宜屯據險要堅壁清野以老其師時出輕騎抄其饋餉奪其俘掠彼前不得戰退無資糧可坐擒也戴友規曰儒與我相持數年勝負略相當今悉衆致死於我我若望風弃城正墮其計淮南士民從公度江及自儒軍來降者甚衆公宜遣將先護送歸淮南使復生業儒軍聞淮南安堵皆有思歸之心人心既搖安得不敗行密悅從之以孫儒人以攻楊行密故其謀云爾二月孫儒圍宣州初劉建鋒爲孫儒守常州將兵從儒擊楊行密其露鎮使陳可言帥部兵千人據常州行密將張訓引兵奄至城下可言出迎訓手殺之遂取常州行密別將又取

潤州行密自此遂有潤州而與錢氏爭常州矣

夏四月楊行密取楚州

是時時溥與朱全忠連年相攻四月溥遣兵南侵至楚州行密將

張訓李德誠敗之于壽河遂取楚州執其刺史劉瓚朱全忠以劉瓚刺楚州張

訓破徐兵遂取汴之楚州

六月楊行密擊孫儒斬之遂歸揚州

楊行密屢敗孫儒兵破其廣德營張訓屯安吉斷其糧道儒食盡

士卒大疫遣其將劉建鋒馬殷分兵掠諸縣六月行密聞儒疾瘡

縱兵擊之會大雨晦冥儒軍大敗安仁義破儒五十餘寨田頔擒

儒於陳斬之傳首京師儒衆多降於行密七月行密帥衆歸揚州

表田頔守宣州安仁義守潤州先是揚州富庶甲天下時人稱楊

一益二及經秦畢孫楊兵火之餘江淮之間東西千里掃地盡矣

天台胡氏曰光啟三年孫儒始與行密交兵至是而敗孫儒以

十倍之衆攻行密其志勇亦無以大相過而卒斃於行密者儒
專務殺掠人心不附又後無根本行密雖爲儒所困分遣張訓
李德誠略淮浙之地以自廣又斥餘廩以飼飢民旣得人心又
有根本所以勝也

秋八月以楊行密爲淮南節度使

以楊行密爲淮南節度使同平章事孫儒降兵多蔡人行密選其
尤勇健者五千人厚其稟賜以皂衣蒙甲號黑雲都每戰使之先
登陷陳四鄰畏之行密以用度不足欲以茶鹽易民布帛掌書記
高勗曰兵火之餘十室九空又漁利以困之將復離叛不若悉我
所有易鄰道所無足以給軍選賢守令勸課農桑數年之間倉庫
自實行密從之行密馳射武伎皆非所長而寬簡有智略善撫御
將士與同甘苦推心待物無所猜忌淮南被兵六年士民轉徙幾
盡行密能以勤儉足用招撫流散輕徭薄斂未及數年公私富庶
幾復承平之舊

十一月楊行密攻廬州

廬州刺史蔡儔以孫儒旣敗遂發楊行密父祖墓與舒州刺史曾
章連兵以拒行密遣使送印於朱全忠以求救全忠惡其反覆納
其印六枚且牒報行密行密謝之行密遣李神福將兵討儔

二年

癸丑秋七月楊行密克廬州

四月李神福圍廬州甲午楊行密自將詣廬州田頔自宣州引兵
會之七月丁亥行密克廬州斬蔡儔左右請發儔父母冢行密曰
儔以此得罪吾何爲效之

胡氏曰父母家見伐人子至痛之情也攻儁斬之怨可釋矣倘
稱其犯而報之然後快是自爲寇也行密於是知孝道之輕重
矣宜其能駕馭羣材而霸有一方也

秋八月楊行密取歙州

八月丙辰楊行密遣田頔將宣州兵二萬攻歙州不下歙人請陶
雅爲刺史乃降行密卽以雅爲歙州刺史歙人納之十月舒州刺
史倪章以蔡儔已敗棄城走行密以李神福爲舒州刺史

乾寧元年甲寅冬十二月楊行密取泗州

三月黃州刺史吳討舉州降楊行密五月武昌節度使杜洪攻黃
州行密遣行營都指揮朱延壽等救之十二月吳討畏杜洪之逼
納印請代於行密行密以先鋒指揮使瞿章權知黃州十一月朱

全忠遣使至泗州陵慢刺史張諫諫舉州降于行密泗州本徐州
巡屬自此遂

爲楊行
密所有

二月乙卯夏四月楊行密取濠州

初楊行密遣押牙唐令回持茶萬餘斤如汴宋貿易朱全忠執令
回盡取其茶楊汴始有隙是春正月行密表朱全忠罪惡請會易
定交鄆河東兵討之二月董昌稱帝于越州三月行密浮淮至泗
州防禦使臺濠盛飾供帳行密不悅旣行濠於卧內得補綻衣馳
使歸之行密笑曰吾少貧賤不敢忘本濠甚慙行密攻濠州拔之
執刺史張璠軍士掠得徐州人李氏子以賜徐溫名之曰知誥

夏四月楊行密取壽州及漣水

楊行密圍壽州不克將還其將朱延壽請試住更攻一鼓拔之執

刺史江從最朱全忠所署者行密以延壽權知壽州圍練使未幾汴兵數

萬攻之州兵少吏民恟懼延壽制軍中每旗二十五騎命黑雲隊

長李厚將十旗擊汴兵不勝延壽將斬之厚請益兵更往不勝則

死柴再用亦為之請乃益以五旗厚殊死戰延壽悉眾乘之汴兵

敗走行密又遣兵襲漣水拔之

秋九月楊行密遣兵救董昌

錢鏐表董昌僭逆請以本道兵討之楊行密遣使詣錢鏐言董昌

已改過宜釋之行密欲存董昌以制錢鏐之後使不得與已爭衡耳亦遣詣昌使趣朝貢五

月詔削董昌官爵委錢鏐討之鏐發兵擊昌九月董昌求救於行

密行密遣臺濛攻蘇州以救之蘇州時屬錢鏐攻之所以牽制鏐兵不得專攻董昌且表昌

引咎願修職貢復官爵又遣錢鏐書稱昌狂疾自立已畏兵諫執

送同惡不當復伐之十月行密復遣田頔安仁義攻杭州鎮戍以

救昌昌使其將徐淑會行密將魏約共圍嘉興錢鏐遣其將顧全

武救之淮南別將柯厚破其蘇州水寨

尹氏曰董昌僭號朝廷方委錢鏐討之而行密反遣兵救賊何

邪小人不知大義一至於此是以通鑑載行密表昌引咎願修

職貢等語綱目皆削而不錄而直書行密遣兵救昌以罪之也

三年丙辰夏五月楊行密取蘇州

正月安仁義自潤州以舟師至湖州欲度江應董昌錢鏐遣顧全

武許再思守西陵仁義不能度二月朝廷用行密之請赦董昌鏐

不從四月淮南兵與兩浙兵戰于皇天蕩長州縣界有長蕩皇天蕩其水上承湖下通海

正淮浙兵戰處也敗之行密遂圍蘇州錢鏐與江西鍾傳武昌杜洪畏行

密之強皆求援于朱全忠全忠遣朱友恭將兵度淮聽以便宜從事鏐將顧全武等圍董昌于越州五月蘇州常熟鎮使陸郢以州城應行密虜其刺史成及行密閱及家貨惟圍書藥物賢之歸署行軍司馬以臺濠為蘇州刺史顧全武等克越州斬董昌七月李茂貞舉兵逼京師天子出幸華州行密表請遷都江淮十一月安仁義引兵攻婺州丁巳春正月錢鏐使杜稜救婺州仁義移兵攻睦州不克而還

四年丁卯春二月朱全忠克鄆州進襲兗州克之朱瑾奔淮南

朱全忠入鄆州遣將葛從周入兗州朱瑾無所歸與河東援將史儼李承嗣擁州民渡淮奔楊行密行密逆之于高郵淮南舊善水戰不知騎射及得河東兗鄆兵軍聲大振儼承嗣皆河東驍將李

克用深惜之遣使問道詣行密請之行密許之亦遣使詣克用好

夏四月以楊行密為江南都統

二月詔以楊行密為江南諸道行營都統以討武昌節度使杜洪

按新書洪傳洪附朱全忠絕東南貢獻路命楊行密討之者以此四月錢鏐遣顧全武等將兵救

嘉興至城下擊淮南兵大破之行密攻杜洪洪求救于朱全忠全忠遣其將聶金掠泗州朱友恭攻黃州行密遣右黑雲都指揮使馬珣等救黃州癸亥兩浙將顧全武等破淮南十八營虜將士魏約等三千人田頔屯驛亭埭兩浙兵乘勝逐之甲戌頔自湖州奔還宣州兩浙兵追敗之頔眾死者千餘人五月朱友恭取黃州馬珣等皆敗走七月錢鏐還杭州遣顧全武取蘇州拔松江無錫常

執華亭

冬十月朱全忠擊楊行密戰于清口全忠大敗

朱全忠既得交鄆甲兵益盛乃大舉擊楊行密遣龐師古以徐宿

宋滑之兵七萬壁清口

清口即今之清河口

將趨楊州葛從周以交鄆曹濮

之兵壁安豐將趨壽州

安豐漢六縣

全忠自將屯宿州淮南震恐十月

行密與朱瑾將兵三萬拒汴軍於楚州別將張訓自漣水引兵會

之行密以為前鋒龐師古營於清口朱瑾壅淮上流欲灌之或以

告師古師古以為惑眾斬之十一月癸酉瑾與淮南將侯瓚將五

千騎潛度淮用汴人旗幟自北來趣其中軍張訓踰柵而入士卒

蒼黃拒戰淮水大至汴軍駭亂行密引大軍濟淮與瑾等夾攻之

汴軍大敗斬師古及將士首萬餘級餘眾皆潰葛從周營於壽州

西北壽州團練使朱延壽擊破之退屯濠州聞師古敗奔還行密

瑾延壽乘勝追之至於淝水從周半濟淮南兵擊之殺溺殆盡從

周走免牛存節弃馬步鬪諸軍稍得濟淮凡四日不食會大震汴

卒緣道凍餒死還者不滿千人全忠聞敗亦奔還行密遣全忠書

曰龐師古葛從周非敵也公宜自來淮上決戰行密大會諸將謂

行軍副使李承嗣曰始吾欲先趣壽州副使云不如先向清口師

古敗從周自走今果如所料賞之錢萬緡行密由是遂保據江淮

之間全忠不能與之爭

光化元年

戊午秋九月錢鏐克蘇州

正月兩浙錢鏐江西鍾傳武昌杜洪潘青王師範請以朱全忠為

都統討楊行密

皆憚行密之強而附全忠

詔不許三月行密遣周本救蘇州為

顧全武所破別將秦裴拔崑山而戍之八月車駕還長安九月顧全武陷蘇州臺濠棄城走周本亦遁還全武追敗于望亭獨秦裴守崑山不下食盡乃降錢鏐遂有蘇州遣王球攻婺州十一月衢州刺史陳岌請降于行密錢鏐使顧全武討之十二月行密遣成及歸兩浙以易魏約等錢鏐許之

胡氏曰臺濠周本秦裴皆淮南淮南名將也為浙人所困終不能守楊行密知錢鏐未易可輕故歸成及以易魏約意請解也鏐亦自知不如行密之彊故許之之速

二年已未春正月楊行密攻徐州朱全忠救却之增

正月楊行密與朱瑾將兵攻徐州朱全忠自將救之行密聞之引兵去汴人追及之於下邳殺千餘人全忠行至輝州聞淮南兵已

退乃還四月婺州刺史王壇為兩浙所圍求救於顧顧時為宣

使康儒等救之五月儒等敗兩浙兵於龍丘今龍游縣擒其將王球遂

取婺州七月朱全忠海州戍將陳漢賓請降於行密淮海遊奕使

張訓以漢濱心未可知與漣水防遏使王綰將兵二千直趣海州

遂據其城九月淄青王師範以沂密內叛乞師于行密十月行密

遣海州刺史臺濠副使王綰將兵助之拔密州歸于師範進攻沂

州不克綰敗其救兵而退

三年庚申冬加楊行密兼侍中鑑

正月康儒攻睦州錢鏐使其從弟鉢拒之八月康儒食盡自清溪遁歸是歲詔加行密兼侍中

天復元年辛酉冬十月楊行密遣兵攻杭州擒其將顧全武

八月或告揚行密云錢鏐為盜所殺行密遣李神福等將兵取杭州兩浙將顧全武等列入寨以拒之十月神福偽遁全武追之神福伏兵擊破之生擒全武進攻臨安臨安縣錢鏐所起之地衣錦軍在焉十一月神福知鏐不死而臨安久不拔遂與鏐和受其犒賂而還既而行密遣全武歸以易秦裴是時朱全忠舉兵發大梁韓全誨等劫帝如鳳翔朱全忠引兵至鳳翔城東而還

二年壬戌春三月以楊行密為行營都統賜爵吳王

上以金吾將軍李儼為江淮宣諭使書御札賜揚行密拜行密東面行營都統中書令吳王令討朱全忠立功將士聽用都統牒承制遷補然後表聞

夏五月昇州刺史馮弘鐸襲宣州敗走揚行密取昇州

武寧節度使馮弘鐸介居宣揚之間常不自安然恃樓船之疆不事兩道寧國節度使田頔欲圖之募弘鐸人造戰艦工人曰馮公遠求望木故其舩堪久用今此無之頔曰第為之吾止須一用耳弘鐸將馮暉顏建說弘鐸先擊頔弘鐸從之師衆南上聲言攻洪州實襲宣州也揚行密使人止之不從六月辛巳頔帥舟師逆擊於曷山大破之馮弘鐸收餘衆松江將入海行密恐其為後患遣使犒軍且說之曰公徒衆猶盛胡為自棄於滄海之外吾府雖小足以容公之衆使將吏各得其所如何弘鐸左右皆慟哭聽命弘鐸至東塘行密自乘輕舟迎之從者十餘人常服不持兵升弘鐸舟慰諭之舉軍感悅署弘鐸淮南節度副使縮給甚厚初弘鐸遣牙將舟徒尚公廼詣行密求潤州行密不許公廼大言曰公不見

敵但恐不敵樓船耳至是行密謂公廼曰頗記求潤州時否公廼謝曰將吏各爲其主但恨無成耳行密笑曰爾事楊叟如馮公無憂矣行密以李神福爲昇州刺史

揚行密攻宿州不克

朱全忠圍鳳翔楊行密發兵討全忠以副使李承嗣權知淮南軍府事軍吏欲以巨艦運糧都知兵馬使徐溫曰運路久不行葭葦壅請用小艇庶幾易通軍至宿州會久雨重載不能進士有飢色而小艇先至行密由是奇溫始與議軍事行密攻宿州久不克竟以糧運不繼引還李茂貞攻朱全忠營大敗始議與全忠連和奉車駕還京矣

秋九月田頵攻杭州

初孫儒死其士卒多奔浙西錢鏐以爲中軍號武勇都至是指揮使徐綰許再思等作亂縱兵焚掠進逼牙城顧全武曰聞綰等謀召田頵頵至則淮南助之不可敵也杜建徽曰孫儒之難王嘗有德於楊公今徃告之宜有以報鏐命全武告急楊行密且以子傳璪爲質綰等果有召頵頵引兵赴之全武至廣陵說行密行密許之以女妻傳璪

冬十月楊行密建制敕院

李儼至揚州楊行密始建制敕院每有封拜輒以告儼於紫極宮玄宗像前陳制書再拜然後下十一月田頵急攻杭州錢鏐拒擊破之行密亦使人召頵曰不還吾且使人代鎮宣州頵取鏐次子傳瓘爲質與徐綰等同歸宣州

三年癸亥夏五月楊行密遣李神福擊鄂州增馬殷襲江陵陷之

正月李茂貞殺韓全誨等帝幸朱全忠營遂發鳳翔至長安大誅宦官朱全忠進爵梁王辭歸鎮楊行密承制加朱瑾東面諸道行營副都統同平章事以昇州刺史李神福爲淮南行軍司馬鄂岳行營招討討使舒州團練使劉存副之將兵擊杜洪洪將駱殷戍永興棄城走縣民方詔據城降神福曰永興大縣饋運所仰已得鄂之半矣三月李神福圍鄂州望城中積荻謂監軍尹建峯曰今夕爲公焚之建峯未之信時杜洪求救於朱全忠神福遣部將秦臯乘輕舟至瀟口舉火炬於樹抄洪以爲救兵至果焚荻以應之四月朱全忠遣其將韓勅將萬人屯瀟口遣使語荆南節度使成汭武安節度使馬殷武直節度使雷彥威令出兵救洪汭畏全忠之彊且欲侵淮之地以自廣發舟師十萬沿江東下五月成汭行宋至鄂州馬殷遣其將許德勳等乘虛襲江陵陷之大掠而去李神福聞汭將至自乘輕舟前覘之謂諸將曰彼戰艦雖多而不相屬易制也當急擊之壬子神福遣其將秦裴楊戎將衆數千逆擊汭於君山大破之因風縱火焚其艦士卒皆潰汭赴水死韓勅聞之亦引去

夏六月王師範以淮南兵擊朱友寧斬之

梁王全忠遣朱友寧等擊王師範進拔臨菑抵青州城下師範求救於楊行密行密遣將王茂章救之六月彥章度汴兵已疲乃與師範合兵出戰大破之友寧馬仆斬之全忠聞之自將兵二十萬赴之七月至臨朐命諸將攻青州師範出戰大敗茂章閉壘伺汴

兵稍懈毀柵出戰全忠見之歎曰使吾得此人爲將天下不足平也至脯怵兵乃退茂章度衆寡不敵引兵還

秋八月楊行密遣兵擊宣潤兵

初寧國節度使田頔破馮弘鐸詣廣陵謝楊行密因求池歛爲巡屬行密不許行密左右下及獄吏皆求賂於頔頔怒曰吏知吾將下獄邪及還指廣陵南門曰吾不可復入此矣頔兵彊財富好攻取行密既定淮南欲保境息民每抑止之頔不從及解釋錢鏐頔尤恨之陰有叛志李神福言於行密曰頔必反宜早啗之行密曰頔有大功反狀未露今殺之諸將人人自危矣頔有良將曰康儒與頔謀議多不合行密知之握儒爲廬州刺史頔以儒爲二於已族之儒曰吾死田公亡無日矣頔遂與潤州團練使安仁義同舉

乃能救杜洪故有是言行密之報假天以以折其辭其所志不在此也

秋八月楊行密以劉存爲招討使子渥爲宣州觀察團練使

八月壬寅朱全忠弑帝於椒殿立輝王仇淮南將李神福攻鄂州未下會疾病還廣陵楊行密以宣州團練使湯劉存代爲招討使神福尋卒宣州觀察使臺濠卒以其子渥爲宣州觀察使

冬十二月楊行密遣馬寶歸長沙

馬寶事楊行密屢有功行密從容問其兄弟乃知爲馬殷之弟大驚曰吾嘗怪汝器度深偉果非常人遣歸長沙時殷議入貢入貢寶曰楊王地廣兵強不若與之結好殷作色曰楊王不事天子一旦朝廷致討罪將及吾汝置此論勿爲吾禍

二年乙春正月楊行密克潤州殺安仁義

潤州團練使安仁義勇決得士心故淮南將王茂章攻之踰年不克楊行密使謂之曰汝之功吾不忘也能束身自歸當以汝爲行軍副使但不掌兵耳仁義不從茂章爲地道入城遂克之執德誠并其子斬於廣陵市

天台胡氏曰田頵朱延壽安仁義淮南諸將中之鎗鎗者也三叛連衡不足以病楊行密暮年之餘相次禽珍行密未易才也

二月劉存拔鄂州執杜洪

朱全忠遣其將曹延祚將兵與杜洪共守鄂州唐子淮南將劉存攻拔之執洪延祚及汴兵千餘人送廣陵悉誅之行密以爲存岳州觀察使

冬十月梁王全忠擊淮南不利

朱全忠旣殺德王裕等九王又殺裴樞獨孤損等三十餘人爲諸道兵馬元帥遣楊師厚取襄陽江陵十月部署將士將歸大梁忽變計欲乘勝擊淮南敬翔諫不聽至棗陽遇大雨抵光州士卒逃亡十一月度淮而北光州刺史柴再用抄其後軍斬首三千級獲輜重萬計全忠悔之躁忿尤甚

十一月吳王楊行密卒

十一月庚辰吳王楊行密卒謚曰武忠溥稱帝追尊爲太祖武皇帝

烈宗景皇帝名溥行密長子行密卒溥代爲淮南節度使

楊渥行密長子也初爲牙內諸軍使出爲宣州觀察使渥素無令

譽軍府輕之行密寢疾命節度判官周隱召渥隱性褻直對曰宣
州司徒非保家之主餘子皆幼未能駕馭諸將廬州刺史劉威從
王起細微必不負王不若使之權領軍府俟諸子長以授之行密
不應左右牙指揮使徐溫張顥言於行密曰王平生出萬死冒矢
石爲子孫立基業安可使它人有之行密曰吾死瞑自矣遂遣使
召渥至廣陵以爲淮南留後十一月行密卒將吏共請宣諭使李
儼承制授渥淮南節度使東南諸道行營都統兼侍中淮南郡弘
農郡王

丙寅秋九月楊渥取洪州

鎮南節度使鍾傳以養子延規爲江州刺史傳卒軍中立其子匡
時爲留後延規復爲江州刺史傳卒軍中立其子匡

秦裴爲西南行營都招討使將兵擊鍾匡時於江西七月裴至洪
州軍于蓼洲諸將請阻水立寨裴不從匡時果遣其將劉楚據之
諸將以咎裴裴曰匡時驍將獨楚一人耳若帥衆守城不可猝拔
吾故以要害誘致之耳未幾裴破寨執楚遂圍洪州饒州刺史唐
寶請降九月裴拔洪州虜鍾匡時等五千人以歸渥自兼領鎮南
節度使以裴爲洪州制置使

丁卯

唐天祐四梁太祖
祖朱晃開平元

春正月淮南牙將張顥徐溫作亂

楊渥旣得江西驕侈益甚謂節度判官周隱曰君賣人國家何面
復相見遂殺之由是將佐皆不自安左右牙指揮使張顥徐溫帥
牙兵直入庭中執渥所親信十餘人殺之於是軍政悉歸二人渥
不能制四月梁王全忠稱皇帝更名昺廢唐帝爲濟陰王

戊辰春二月淮南張顥徐溫弒其節度使楊渥溫復攻顥殺之

張顥徐溫專制軍政弘農王渥心不能平欲去之而未能二人不自安共謀弒王分其地以臣於梁顥遣其黨弒王於寢室詐云暴薨顥集將吏於庭欲自主軍府而幕僚嚴可求定議以太夫人史氏教立渥弟隆演為淮南留後東面行營都統顥知可求陰附溫夜遣盜刺之不克溫遂與可求謀誅顥帥壯士真人斬顥於牙堂而暴其弒君之罪

詳繼統類

劉氏曰節度為下所殺多矣未有書弒者此其書弒何唐亡也上無天子節鎮專地為之屬者皆其臣矣書弒所以正君臣之分也

高祖宣皇帝名隆演渥弟渥遇弒隆演立

陽隆演行安勇之子也張顥徐溫弒渥而立之溫既殺顥府事咸取決於溫隆演備位而已

秋七月淮南將吏推楊隆演為節度使

七月壬申淮南將吏請於李儼承制授隆演淮南節度使東西諸道行營都統同平章事隆弘農王遣軍將萬全感齋書詣晉及岐告以嗣位

己巳秋七月淮南盡取江西地

庚午春二月岐王承制加楊隆演嗣吳王

二月萬全感自岐歸廣陵岐王承制加弘農王兼中書令嗣吳王劉氏曰岐王承制爾何以書予隆演也唐室亡矣隆演渥弟也次立無譏矣故綱目自是從嗣吳王是故苟義當嗣隆演雖承

制書吳王義不當嗣守光雖梁命止書守光雖自帝亦止書守光

危言曰李茂貞據關西楊隆演據淮南等國耳何以能命之爵等王耳何以能加之封且唐已亡矣岐不臣梁是承何制哉故岐之王吳無異於梁之王燕吳之受岐命不如其自王也綱目亦因岐之制成吳之爲王耳

壬申

梁乾化二

夏五月吳徐溫攻宣州克之殺其觀察使李遇

事詳後卷徐溫

六月梁郢王友珪弑其父晃而自立八月吳徐溫與劉威陶雅帥將吏請於李儼承制加嗣吳王隆演太師中書令吳王以溫領鎮海節度使明年癸酉二月梁均王友貞討友珪誅之立干大梁

已卯

梁貞明五

夏四月吳王隆演建國改元

吳徐溫自以權重而位卑說吳王曰今大王與諸將皆爲節度使雖有都統之名不足相臨制請建吳國稱帝而治王不許其後嚴可求出爲楚州刺史至金陵見溫說之曰吾奉唐正朔當以興復爲辭今朱李方爭朱氏日衰李氏日熾一旦李有天下吾能北面爲之臣乎不若先建吳國以繫民望溫大悅復留可求參總庶政使草具禮儀至是溫帥將吏藩鎮請吳王稱帝吳王不許四月戊戌朔卽吳國王位大赦改元武義建宗廟社稷置百官宮殿文物皆用天子禮以金繼土辛丑歲用改謚武忠王曰孝武王廟號太祖威王曰景王尊母曰太妃以徐曰爲大丞相都督中外諸軍事東海郡王徐知誥爲左僕射叅政事兼知內外諸軍事以楊府左司馬王今謀爲內樞使營田副使嚴可求爲門下侍郎鹽鐵判官

駱知祥為中書侍郎前中書舍人盧擇為吏部尚書掌書記殷文
圭為翰林學士館驛巡官游恭為知制誥前駕部員外郎楊迢為
給事中

庚辰夏五月吳王隆演卒

王重厚共恪徐溫父子專政王未嘗有不平之意形於言色溫以
是安之及建國稱制尤非所樂多沈飲鮮食遂成疾而卒謚曰宣
溥稱帝追尊謚

睿皇帝名溥隆演弟隆演卒溥立

楊溥行密第四子也隆演建國封丹陽郡公隆演卒弟廬江公濛
次當立而徐氏秉政不欲長君乃立溥六月戊申溥即吳王位尊
母王氏曰太妃明年二月改元順義赦境內

癸未

梁龍德三唐莊
宗存最同光元

冬十月吳遣使如唐

四月晉王存勗稱帝于魏州國號唐十月唐主入大梁梁主瑱自
殺唐遂滅梁遣使告吳使者稱詔吳人不受唐主易其書用敵國
之禮吳人復書稱大吳國主辭禮如表牋

丙戌

唐明宗嗣
源天成元

二月唐主遣李嗣源將親軍討鄴都嗣源引兵向大梁四月唐伶
人郭從謙弑唐主存勗嗣源遂入洛陽稱帝五月丁卯吳王詔為
同光輟朝七日

丁亥冬十一月吳王楊溥稱皇帝

吳大丞相徐溫率吳文武上表勸溥即皇帝位溥未許而溫病十
月溫率十一月庚戌溥御文明殿即皇帝位改元乾貞大赦境內

追尊父兄帝號諸子皆封王以徐知誥爲太尉兼侍中

戊子春二月吳遣使如唐不受

吳自唐莊宗滅梁以來使者往來不絕二月庚辰吳使者至安重
誨以爲楊溥敢與朝廷抗禮遣使覘覘拒而不受自是遂與吳絕
歐史論曰嗚乎盜亦有道信哉行密之書稱行密爲人寬仁雅信
能得士心其將蔡儔叛於廬州悉毀行密墳墓及儔敗而諸將皆
請毀其墓以報之行密歎曰儔以此爲惡吾豈復爲邪嘗使從者
張洪負劔而侍洪拔劔擊行密不中洪死復用洪所善陳紹負劔
不疑又嘗罵其將劉信信忿奔孫儒行密戒左右勿追曰信豈負
我者邪其醉而去醒必復來明日果來行密起於盜賊其下皆驍
武惟暴而樂爲之用者以此也故二世四主垂五十年及溥已下

政在徐溫於此之時天下大亂中國之禍莫弒相尋而徐氏父子

區區詐力裴回三主不敢輕取之何也豈其恩威亦有在人者歟

卮言曰楊行密雖起自羣盜而屢立戰功旣得廬州遂圖揚州

戮呂遜秦誅儒拒溫皆有定亂討賊之義焉及其踰淮右跨江

左吳越西制荆南克敵取威而性不嗜殺任人置腹而心

無害於庶幾興王之畧矣故能以杭衡中夏雄長諸侯至溫爲

弒逆而却其使命終身不附則其度越諸國而頡頏河東者也

行密死而政歸徐氏三子代立徒擁虛位而已渥取洪州而驕

侈妄亂以取張徐未能而卒以見弒誠非保國之主若隆演之

重厚共以而不能制其志有足尚者溥始拒徐溫稱帝之請

溫亦終自北面及溫卒而帝則徐知誥已成曹丕高洋之謀矣

自溼而後吳之業皆徐氏父子之爲也今以其嗣王稱帝終吳國事故備載於此章

學海君道部卷之一百七十二

創業類

四十九

偽命分爭

唐末十國篇

閩王氏據福建章

王潮光州固始人

唐僖宗中和元年辛丑秋八月壽州人王緒作亂陷光州

王潮光州固始人爲固始縣佐中和辛丑八月壽州屠者王緒與妹夫劉行全聚衆五百盜據本州月餘復陷光州有衆萬餘人秦宗權表爲光州刺史緒聞潮兄弟材勇召置軍中以潮爲軍正使典資糧閱士卒信用之

光啓元年_{乙巳}春正月王緒陷汀漳二州

秦宗權責租賦於光州王緒不能給宗權怒發兵擊之緒懼悉舉光壽二州兵五千人驅吏民渡江以劉行全爲前鋒轉掠江洪虔州是月陷汀漳二州然皆不能守也

秋八月王緒前鋒將擒緒奉王潮爲將軍

八月王緒至漳州以道險糧少令軍中無得以老弱自隨犯者斬惟王潮兄弟扶其母崎嶇從事緒召潮等責之曰軍皆有法未有無法之軍汝違吾令而不誅是無法也潮等曰人皆有母未有無母之人將軍奈何使人棄其母緒怒命斬其母潮等曰潮等事母如事將軍旣殺其母安用其子請先母死將士皆爲之請乃捨之有望氣者謂緒曰軍中有王者氣於是緒見將士有勇略踰已及

氣質魁岸皆殺之劉行全亦死衆皆自危曰行全親也且軍中之寇猶不免况吾屬乎行至南安王潮說其前鋒將曰吾屬遠涉捐妻子羈旅外鄉爲羣盜豈所欲哉乃爲緒所迫脅故也今緒猶刻不仁妄殺無辜軍中子子者受誅且盡子須眉若神騎射絕倫又爲前鋒吾竊爲子危之前鋒將執潮手泣問計安出潮爲之謀伏壯士數十人於篁竹中伺緒至挺劍大呼躍出就馬上擒之反縛以狗軍中皆呼萬歲潮推前鋒將爲主前鋒將曰吾屬今日不爲魚肉皆王君力也天以王君爲主誰敢先之相推讓數四卒奉潮爲將軍潮引兵將還光州約其屬所過秋毫無犯行及沙縣泉州人張延魯等以刺史廖彥若貪暴帥耆老奉牛酒遮道請潮留爲州將潮引兵圍泉州

二年丙午秋八月王潮陷泉州

王潮拔泉州殺廖彥若聞福建觀察使陳巖威名不敢犯福州境遣使降之巖表潮為泉州刺史潮沈勇有智略既得泉州招懷離叛均賦繕兵吏民悅服幽王緒於別館緒慙自殺

昭宗大順二年辛亥冬十二月福建觀察使陳巖卒

福建觀察使陳巖疾病遣使以書召泉州刺史王潮欲授以軍政未至而巖妻弟都將范暉諷將士推已為留後發兵拒潮壬子春范暉驕侈失眾心潮以從弟彥復為都統審知為都監將兵攻福州民自請輸米餉軍平湖洞及濱海蠻夷皆以兵船助之癸丑春彥復審知攻福州久不下范暉求救于董昌發兵救之彥復審知以城堅援兵且至士卒死傷多自剄欲罷兵更圖後舉潮不許請

潮自臨行營潮報曰兵盡添兵將盡添將兵將俱盡吾當自去彥復審知懼親犯矢石急攻之五月城中食盡暉知不能守夜以印授監軍棄城走授兵亦還彥復審知入城暉亡抵泂海都為將士所殺潮入福州自稱留後素服葬陳巖以女妻其子延晦厚撫其家汀建二州降嶺海間羣盜二十餘輩皆降潰由是盡有閩嶺五州之地

景福二年癸丑十月以王潮為福建觀察使

十月戊戌以泉州刺史王潮為福建觀察使

乾寧元年甲寅冬十二月黃連洞蠻圍汀州王潮遣兵擊破之

黃連洞蠻圍汀州王潮遣兵擊破之閩地略定潮遣僚佐巡州縣勸農桑定租稅交好鄰道保境息民間人安之

三年丙辰秋九月以王潮為威武軍節度使

九月庚辰升福州為威武軍以觀察使王潮為節度使

四年丁亥冬十二月威武節度使王潮卒

太祖昭武皇帝名審知潮弟也潮卒審知自知留後

王審知潮弟也潮為觀察使以審知為觀察副使有過潮猶加捶撻審知無怨色潮寢疾捨其子延興等命審知知軍事潮卒審知以讓其兄審邽審邦以審知有功辭不受審知自稱福建留後表于朝廷

乾化元年戊午秋九月以王審知為威武節度使

三月己丑以王審知充威武留後十月癸卯為威武節度使

三月庚申春二月加王審知同平章事

二月壬申加王審知同中書門下平章事封琅邪王

丁卯天祐四夏四月梁王朱全忠稱皇帝

五月己卯加王審知兼侍中

己巳梁開平三夏四月梁以王審知為閩王

四月庚子以王審知為閩王九月淮南遣使者張知遠修好於閩知遠倨慢閩王審知斬之表上其書始與淮南絕審知儉約常躡麻屨府舍卑陋未嘗管轄寬刑薄賦公私富實境內以安歲自海道登萊入貢沒溺者什四五

丙子梁主瑱冬十二月

吳越牙內先鋒都指揮使錢傳珣逆婦于閩自是閩與吳越通好是歲閩鑄鈔錢與銅錢並行明年丁丑歲閩王審知為其子牙內

都指揮使延均娶越主巖之女

卮言曰王審知所據之地卽今福建也以東海之一隅而能抗衡大國至於數世豈在地廣兵強哉當梁唐之際中原多故而荆楚吳越歲相攻擊閩獨不被兵亦其善於自守不與鄰藩角逐也北結吳越南昏劉巖此二國者足相依矣審知在位二十八年諸史所書並無戰爭之事故能保境息民後嗣猶蒙其業唐莊宗之滅唐也諸藩列國皆請命奉貢而閩卒不至亦恃其險遠有唇齒之助無鷸蚌之禍也傳云親仁善隣國之寶也信夫

庚辰冬十二月

初閩王審知承制加其從子泉州刺史延彬領平盧節度使延彬治泉州十七年吏民安之會得白鹿及紫芝僧浩源以爲王者之符延彬由是驕縱密遣使浮海入貢於梁求爲泉州節度使事覺審知誅浩源及其黨黜延彬歸私第

癸未

梁龍德三年唐莊宗存勗同光元年

夏四月晉王存勗稱皇帝於魏州國號唐冬十

月唐主入大梁梁主瑱自殺唐遂滅梁

乙酉

唐同光三年

冬十二月閩王王審知卒

閩王王延翰審知子也審知卒延翰立

初延翰爲節度副使閩王審知薨命延翰權知軍府事審知卒延翰自稱威武留後汀州民聚衆三萬圍汀州延翰遣右軍都監柳邕等將兵二萬討之

丙戌

唐明宗嗣天成年

春二月唐以王延翰爲威武節度使

三月辛酉唐以威武節度副使王延翰為節度使是月唐討鄴兵劫李嗣源入鄴都嗣源引兵向大梁四月唐伶人郭從謙弑唐主存勗嗣源入洛陽自稱監國尋殺諸王而自立是為明宗五月甲戌加王延翰同平章事

冬十月王延翰自稱閩王

王延翰驕淫殘暴己丑自稱太閩國王立宮殿置百官威儀文物皆倣天子之制羣下稱之曰殿下赦境內追尊父審知曰昭武王十二月閩王延稟弑其君延翰而立其弟延均

閩王延翰茂棄兄弟襲位纔踰月出其弟延均為泉州刺史延翰多取民女以充後庭采擇不已延均上書極諫延翰怒由是有隙父審知養子延稟為建州刺史延翰與書使之采擇延稟復書不

遜亦有隙十二月延稟延均合兵襲福州延稟順流先至福州遣揮使陳陶帥眾拒之兵敗陶自殺是夜延稟帥壯士百餘人趣西門梯城而入執守門者發庫取兵仗及寢門延翰驚匿別室辛卯旦延稟執之暴其罪惡且稱延翰與妻崔氏共弑先王告諭吏民斬于紫宸門外是日延均至城南延稟開門納之推延均為威武留後延稟為奉國節度使知建州

惠宗齊肅明孝皇帝名鱗初名延均審知子

丁亥

唐天

夏五月唐以王延均為威武節度使

正月戊辰王延稟還建州王延均送之將別謂延均曰善守先人之基業勿煩老兄再下延均遜謝甚恭而色變五月癸丑以威武留後王延鈞為本道節度使守中書令瑯邪王

八月唐以王延均為閩王

七月戊辰唐以威武節度使王延均為閩王

辛卯

唐長
興二

夏四月閩奉國節度使王延稟舉兵襲福州敗死

初王延稟稱疾退居里第請以建州授其子繼雄庚寅詔以繼雄為建州刺史辛卯四月延稟聞閩王延鈞有疾以次子繼昇知建州畱後帥繼雄將水軍襲福州癸卯延稟攻西門繼雄攻東門延鈞遣樓船指揮使王仁達將水軍拒之仁達伏甲舟中偽立白幟請降繼雄喜屏左右登仁達舟慰撫之仁達斬繼雄梟首於西門延稟方縱火攻城見之慟哭仁達因縱兵擊之衆潰左右以斛昇延稟而走甲辰追擒之延均見之曰果煩老兄再下延稟慙不能對延均囚于別室遣使者如建州招撫其黨殺使者奉繼昇及弟繼倫奔吳越仁達延均從子也五月閩王延均斬王延稟於市復其姓名曰周彥琛遣其弟都教練使延政如建州撫慰吏民

夏六月閩作寶皇宮

閩王延鈞好神仙之術道士陳守元巫者徐彥林與盛韜共誘之作寶皇宮極土木之盛以守為宮主

壬辰冬十月唐以王延政為建州刺史

十二月閩陳守元等稱寶皇之命謂閩王延鈞曰苟能避位受道當為天子六十年延均信之命其節度副使繼鵬權軍府事延均避位受錄道名玄錫壬辰三月延鈞復位六月延鈞謂陳守元曰為我問寶皇既為六十年天子後當何如明日守元入白昨夕奏章得寶皇旨當為大羅仙主徐彥等亦曰北廟崇順王嘗見寶皇

真言與守元同延鈞益自負始謀稱帝表朝廷云錢鏐卒請以臣為吳越王馬殷卒請以臣為尚書令明廷不報自是職貢遂絕

癸巳

唐長興四閩主王延均龍啟元

春正月閩王延均稱帝更名璘

閩人有言貢封宅龍見者閩王延均更名其宅曰龍躍宮遂詣寶皇宮受冊備儀衛府即皇帝位國號大閩大赦改元龍啟更名璘追尊父祖立五廟以其僚屬李敏為左僕射門下侍郎其子節度副使繼鵬為右僕射中書侍郎金同平章事以親吏吳勗為樞密使唐冊禮使裴傑程侃適至海門閩主以傑為如京使侃固求北還不許閩主自以國小地僻常謹事四鄰由是境內差安

漢劉氏據廣州章

州宗襄皇帝劉隱上蔡人父謙為封州刺史

詳世系

唐昭宗乾寧元年

甲寅

冬十二月以劉隱為封州刺史

劉隱父謙為封州刺史謙卒隱居喪於賀江土民百餘人謀亂隱一夕盡誅之嶺南節度使劉崇龜召補右都押牙兼賀水鎮使未幾表為封州刺史

三年

丙辰

冬十二月以劉隱為清海行軍司馬

嶺南節度使劉宗龜卒朝廷以薛王知柔為清海軍節度使知柔行至湖南廣州牙將盧瑑譚弘玘據地拒之使弘玘守端州弘玘結封州刺史劉隱許妻以女隱偽許之言親迎伏甲舟中夜入端州斬弘玘遂襲廣州斬瑑具軍容迎知柔表隱為行軍司馬

光化元年

戊午

冬十二月韶州兵攻廣州劉隱擊破之

韶州刺史曾衮舉兵攻廣州州將王瓌帥戰艦應之隱一戰破之

韶州將劉潼復據浚洽劉隱討斬之

天復元年辛酉冬十二月清海節度使徐彥若卒

庚申秋朝廷復以徐彥若充清海軍節度代薛王知柔辛酉冬彥若卒遺表薦劉隱權畱後壬戌冬虔州刺史盧先稠攻嶺南陷韶州使其子延昌守之進圍潮州隱發兵擊走之乘勝進攻韶州隱弟陟以為延昌有虔州之援未可遽取隱不從遂圍韶州為光稠所破犇還

天祐元年甲子冬十二月以劉隱為清海節度使

初徐彥若卒朝廷以崔遠為清海節度使遠至江陵聞嶺南多盜且畏劉隱不受代不敢前朝廷召遠還隱遣使以重賂結朱全忠乃奏以隱為清海節度使乙丑春三月加隱同中書門下平章事

丁卯唐天祐四梁開平元夏五月梁以劉隱為大彭王鑑

四月梁王朱全忠稱帝丁卯夏五月加劉隱檢校太尉兼侍中仍以隱為大彭王戊辰以隱兼靜海軍節度安南都護

天台胡氏曰自宋武帝以彭城之裔異於江南後多以彭城之劉為名族劉隱封大彭王意蓋取此

戊辰冬十月梁以劉隱為清海靜海節度使

九月楚王殷遣其將呂師周將兵擊嶺南與劉隱十餘戰取昭賀梧蒙龔富六州十月辛酉梁以隱為清海靜海節度使

胡氏曰清海靜海使之兼交廣二鎮也然劉氏終不能有安南

己巳夏四月梁以劉隱為南平王鑑

歐史曰四月庚子梁加劉隱檢校太師兼中書令封南平王

辛未梁乾化元春三月梁清海節度使劉隱卒

高祖皇帝名龔初名巖隱弟也隱卒巖自知留後

初劉隱以弟巖為節度副使隱病亟表巖知留後丁亥卒巖襲位
四月甲辰梁主以巖為節度使巖多延中國士人置於幕府出為
刺史刺史無武人

辛未冬十月劉巖取容州

十二月丙辰劉巖聞譚全播發病發兵攻韶州破之刺史廖爽奔
楚癸亥梁主以靜江行軍司馬姚彥章為寧遠節度副使權知容
州從楚王殷之請也劉巖遣兵攻容州殷遣都指揮使許德勳以
桂州兵救之彥章不能守乃遷容州士民及其府藏奔長沙巖遂
取容管及高州

乙亥梁貞明秋八月

一領南節度使劉巖求昏於楚楚王許以女妻之八月巖逆婦子
楚楚王殷遣永順節度使存送之

冬廣州始與梁絕

劉巖以吳越王鏐為國王而已獨為南平王表求封南越王及加
都統梁主不許巖謂僚屬曰今中國紛紛孰為天子安能梯舡萬
里遠事偽庭由是貢使遂絕

丁丑梁貞明三秋八月劉巖稱越帝于廣州

八月癸巳清海建武節度使劉巖即皇帝位于番禺號大越大赦
改元乾亨以梁使趙光裔為兵部尚書節度副使楊洞潛為兵部
侍郎節度判官李殷衡為禮部侍郎並同平章事建三三廟追尊

祖安仁曰太祖交皇帝父謙曰代祖聖武皇帝兄隱曰烈宗襄皇
帝以廣州爲興王府十月越主巖遣容省使劉塘使於吳告即位
且勸吳王稱帝

戊寅冬十一月越改國號漢

十一月越主巖祀南郊大赦改國號曰漢明年己卯九月梁詔削
巖官爵命吳越王鏐討之鏐雖受命竟不行

乙酉

唐莊宗存
勗同光三

春二月漢遣使如唐

癸未四月晉王存勗稱帝于魏州國號唐五月滅梁漢主聞之而
懼遣宮苑使何詞入貢且覘中國疆弱乙酉二月甲申詞至魏及
還言唐主驕淫無政不足畏也漢主大悅自是不復通中國

冬十二月漢白龍見

有白龍見於漢宮漢主改元白龍更名曰龔長和標信鄭旻求昏
於漢漢主以女增城公主妻之長和卽唐之南詔也

丁亥

唐明宗嗣元天
成二漢大有元

春三月

楚大舉水軍擊漢圍封州漢主以周易筮之遇大有於是大赦改
元大有命左右街使蘇章將神弩三千戰艦百艘救封州章至賀
江沈鐵絙於水兩岸作巨輪挽絙築長垣以隱之伏壯士於堤中
章以輕舟陽不利楚人逐之入堤中挽輪舉絙楚艦不能進退以
疆弩夾水射之楚兵大敗解圍遁去漢主以章爲封州團練使

甲午

唐主從珂
清泰元

冬十一月漢平章事楊洞潛卒

漢主命秦王弘度判六軍募宿衛兵千人皆市井無賴子弟弘度
昵之同平章事楊洞潛諫曰秦王國之冢嫡宜親端士使之治軍

已過矣况昵羣小平漢主曰小兒教以戎事過煩公憂終不戒弘
度洞潛出見衛士掠商人金帛商人不敢訢歎曰政亂如此安用
宰相因謝病歸第久之不召遂卒

戊戌

晉高祖石敬瑭天福四

冬十二月漢平章事趙光裔卒

漢門下侍郎同平章事趙光裔言於漢主曰自馬后崩未嘗通使
於楚親隣舊好不可忘也因薦諫議大夫李紆可以將命漢主從
之楚亦遣使報聘光裔相漢二十餘年府庫完實邊境無虞及卒
漢主復以其子損同章事明年亦卒

劉氏曰卒小國臣錄賢也終綱目卒僭國臣二十一而五代十
有三漢居二人焉何地不生才信哉

前蜀王建據蜀章

太祖皇帝王建許州舞陽人初為忠武軍牙將

王建許州武陽人少以屠盜販私鹽為事後為忠武軍卒稍遷牙
將唐僖宗中和元年辛丑冬黃巢陷長安帝出幸蜀壬寅四月忠
武節度使周岌與監軍楊復光將兵討巢復光分忠武八千人為

八都遣牙將鹿晏弘晉暉與建等將之敗巢將朱溫於鄧州

時朱溫為

兼將後

帝以復光為都監卒用復光策召沙陀李克用兵與其討

巢破之癸卯五月克用收復長安復光尋卒于河中建等從鹿晏
弘帥眾散去自河中南掠襄鄧金洋所過屠滅聲云西赴行在既
至興元逐節度使牛勗晏弘自稱留後朝廷因而命之晏弘以建
等為管内刺史不遣之官

僖宗中和四年

甲辰

冬十一月以王建等為諸衛將軍

增

鹿晏弘猜忌衆心不附王建韓建素相親善晏弘尤忌之數引入
臥內待之加厚二建相謂曰撲射甘言厚意疑我也禍將至矣軍
客使田令孜密遣人以厚利誘之十一月二建與張造晉暉李師
衆數千逃奔行在令孜皆養爲假子賜與巨萬拜諸衛將軍使各
將其衆號隨駕五都建等旣降使遣業兵討晏弘晏弘棄與元轉
掠襄鄧還據許州自爲留後

光啓元年乙卯春三月車駕至京師

帝還長安以建爲神策軍使將兵宿衛十月河中王重榮與田令
孜爭鹽池令孜結邠寧朱玫鳳翔李昌符以杭之重榮因召李克
用兵逼京師令孜奉帝奔鳳翔克用還軍河中表請帝還宮因罪
狀令孜請誅之令孜引兵入宮劫帝如寶鷄

二年丙午春二月帝至興元遣王建成三京

增

正月邠寧鳳翔兵追逼乘輿鉦鼓之聲聞於行宮田令孜奉帝發
寶鷄時軍民雜糅鋒鏑縱橫以王建晉暉爲清道斬斫使建以長
劍五百前驅奮擊乘輿乃得前帝以傳國寶授建負之以從登大
散嶺李昌符焚閣道丈餘將催折王建扶掖帝自煙焰中躍過夜
宿板下帝枕建膝而寢旣覺始進食解御袍賜建曰以其淚痕故
也車駕纔入散關朱玫已圍寶雞長驅攻散關不克二月帝至興
元遣建帥部兵戍三泉

唐初分利州之綿谷置三泉縣屬興元府

以建遙領璧州刺史

將帥遙領州鎮自此始四月田令孜自知不爲天下所容懼且得
罪西川節度使陳敬瑄令孜同母弟也令孜因求爲西川監軍薦
楊復恭以自代復恭斥令孜之黨出建爲利州刺史十月朱玫立

襄王熅稱帝改元十二月王行瑜還長安斬朱玫熅奔河中

三年丁未春三月利州刺史王建襲閬州而據之

山南西道節度使楊守亮忌利州刺史王建驍勇屢召之建懼不

往利州山南西道巡屬也建懼為守亮所殺故不敢往前龍州司倉周庠說建曰唐祚將終

藩鎮互相吞噬皆無雄才遠略不能戡濟多難公勇而有謀得士

卒心立大功者非公而誰然葭萌四戰之地利州古葭萌之地難以久安

閬州地僻人富楊茂實陳田之腹心不修職貢若表其罪與兵討

之可不戰而擒也建從之召募溪洞酋豪有衆八千公嘉陵江而

下襲閬州遂其刺史楊茂實而據之自稱防禦使招納亡命軍勢

益盛守亮不能制部將章虔裕說建曰公乘天子微弱專據方州

若唐室復興公無種矣宜遣使奉表天子仗大義以行師茂不濟

矣部將綦母諫復說建養士愛民以觀天下之變建從之初建與

東川節度使顧彥朗俱在神策軍同討賊建既據閬州彥朗畏其

侵暴數遣使問遺饋以軍食建由是不犯東川豺狼不噬要托人也力未及耳觀後

顧彥暉之事可見已

閏十一月王建攻成都不克退屯漢川

陳敬瑄惡顧彥朗與王建相親恐其合兵圖已謀於田令孜令孜

曰建吾子也不為楊興元所容故作賊耳今折簡召之可致麾下

乃遣使以書召之建大喜詣梓州見彥朗曰十軍阿父見召令孜先為

神策十軍觀軍容使待建同父子故稱之當往省之因見陳太師求一大州若得之私

願足矣乃畱其家於梓州帥麾下精兵二千與從子宗鑑假子宗

瑤等俱西至鹿頭關西川參謀李又謂敬瑄曰王建虎也奈何延

之入室彼安肯爲公下乎敬瑄悔亟遣人止之且增修守備建怒破關而進敗漢州刺史張頊於綿竹遂拔漢州進軍射山又敗西川將句惟立於蠶成都縣有蠶此鎮又拔德陽敬瑄遣使讓之對曰

十軍阿父召我來及門而拒之重爲顧公所疑進退無歸矣田令孜登樓慰諭之建與諸將於清遠橋上髭髮羅拜曰今旣無歸且辭阿父作賊矣顧彥朗以其弟彥暉爲漢州刺史發兵助建急攻成都三日不克而退還屯漢州敬瑄告難於朝詔遣中使和解之又令李茂貞以書諭之皆不從

文德元年戊申夏六月以韋昭度爲西川節度使

二月帝至長安三月崩太弟傑卽位是爲昭宗王建攻彭州陳敬瑄救之乃去建大掠西川十二州皆被其患五月陳敬瑄與建相攻貢

賊中絕建因以爲敬瑄罪而間之建以成都尚疆退無所掠欲罷兵周庠其母

諫以爲不可庠曰邛州城塹完固食支數年可據之以爲根本建

曰吾在軍中久觀用兵者不倚天子之重則衆心易離不若疏敬

瑄之罪表請朝廷命大臣爲帥而佐之則功庶可成乃使庠草表

請討敬瑄以求邛州顧彥朗亦表請赦建罪移敬瑄宅鎮

以靖兩川初丕之亂帝時爲壽王從僖宗幸蜀有所啣於田令

孜及卽位遣人監西川軍令孜不奉詔帝方憤藩鎮跋扈欲以威

制之會得彥朗建表以令孜所恃者敬瑄耳遂以宰相韋昭度爲

西川節度使徵敬瑄入朝建軍薪都時綿竹士豪何義陽安仁費

師勲等所在擁兵自保衆或萬人少者千人建遣王宗瑤說之皆

帥衆附於建給其資糧建軍復振

冬十一 以王建為永平軍節度使削陳敬瑄官爵

陳敬瑄田令孜聞韋昭度將至治兵完城以拒之楊晟者令孜故將也時據文龍成茂四州進攻西川令孜使晟守彭州進攻之敬瑄使眉州刺史山行章將兵五萬壁新繁以救之朝廷削敬瑄官爵以韋昭度為管招討使割印蜀黎雅置永平軍以王建為節度使治印州充行營諸軍都指揮使

昭宗龍紀元年己酉春正月王建攻彭州陳敬瑄遣兵救之大敗

正月王建大破山行章於新繁殺獲近萬人行章僅以身免楊晟懼徙屯三交行章屯濠陽縣屬彭州與建相持十二月建敗山行章及西川騎將宋行能於廣都行章退守眉州未幾請降於建

大順元年庚戌春正月王建攻印州

王建攻印州陳敬瑄遣其大將彭城楊儒將兵三千助刺史毛湘守之湘出戰屢敗陽儒登城見建兵盛歎曰唐祚盡矣王公治眾嚴而不殘殆可以庇民乎遂帥所部出降建養以為子更名宗儒建留張琳為印南招安使引兵還成都復攻陳敬瑄也陳敬瑄分兵布寨

於犀浦郫導江等縣韋昭度營於唐橋王建營於東閭門外建事昭度甚謹辛亥簡州將杜有遷執刺史員虔高降於建建以有遷知州事二月資州將侯元綽執刺史楊戡降於王建建以元綽知州事四月乙丑陳敬瑄遣蜀州刺史任從海將兵二萬救印州戰敗欲以蜀州降建敬瑄殺之以徐公鉢代守蜀州丙寅嘉州刺史朱實舉州降於建丙子夔道士豪文武堅執戎州刺史謝承恩降

於建六月丁巳茂州刺史李繼昌帥眾救成都建擊斬之資簡都制置應援使謝從本殺雅州刺史張承簡舉城降

天台胡氏曰資簡相去二百十六里簡州北至城都百五十里雅州與邛州接壤相去一百七十里王建圖邛州以為根本兵威所及故謝從本以雅州降之也

秋九月王建克邛州冬十月王建取蜀州

九月王建急攻邛州城中食盡救兵不至邛州將斬刺史毛湘以

降建持永平旌節入邛州以節度判官張琳知留後時朝命以邛州建永平軍

王建為節度使是年正月建攻邛州至是克之繕完城隍撫安夷獠經營蜀雅十月癸未

朔建引兵還成都蜀州將李行周逐徐公鉢舉城降建

二年辛亥春二月復陳敬瑄官爵詔顧彥朗王建各罷兵

韋昭度將諸道兵十萬餘討陳敬瑄三年不能克饋運不繼

欲息兵三月制復敬瑄官爵令故建朗王建各帥眾歸鎮

夏四月王建逐韋昭度還攻成都秋八月王建克成都自稱西川留後

四月成都在城中乏食死者相繼吏民多謀出降敬瑄悉捕其族黨

殺之王建見罷兵制書曰大功垂成奈何棄之謀於周庠庠勸建

請韋公還朝獨攻成都克而有之建表請陳敬瑄田令致罪不可

赦願畢命以圖成功昭度無如之何由是未能東還建說昭度曰

今關東藩鎮迭相吞噬此腹心疾也相公宜早歸廟堂與之天子

謀之敬瑄疥癩耳當以日月制之責建可辦也昭度猶豫未決庚

子建因令東川將唐友通等擒昭度親吏駱保於行府門齎食之

云其盜軍糧昭度大懼遽稱疾以印節授建濛建知三使留後使

節度使招撫兼行營招討使即日東還建送至新都跪觴馬前泣

拜而別昭度甫出劔門即以兵守之不復內東軍建急攻成都陳

敬瑄環城烽塹亘五十里有狗屠王鷄請詐得罪亾入城說之使

上下離心建遣之鷄入見陳敬瑄田令孜則言建兵疲食盡將遁

矣出則鬻茶於市陰為吏民稱建英武軍勢彊盛由是敬瑄等懈

於守備而衆心危懼建又遣其將鄭渥詐降以覘之敬瑄使乘以

為將使乘城既而復以詐得歸由是悉知城中虛實八月建攻陳

敬瑄益急敬瑄出戰輒敗廵內州縣率為建所取威戎節度使楊

晟時饋之食建以兵據新都彭州道絕敬瑄出慰勉士卒皆不應

辛丑田令孜登城謂建曰老夫歸於公甚厚可見困如是建曰父

子之恩豈敢忘但朝廷命建討不受代者不得受儻太師改圖

建復何求是夕令孜自攜兩川印節詣建營授之將士皆呼萬歲

建泣謝請為父子如初壬寅敬瑄開門迎建癸卯建入城自稱西

川留後表敬瑄子陶為雅州刺史使隨陶之官建分遣士卒就食

諸州陳敬瑄將士佐有器幹者建皆禮而用之

冬十月以王建為西川節度使

十月癸未以王建為西川節度使廢永平軍

去 且永平節鎮於 州 授王建建既

得西川授以西川節 而廢永平軍建志也建既得西川留心政事容納直言好施樂士

用人各盡其才謙恭儉素然多忌好殺諸將有功名者多因事誅

之

十二月楊守亮執中使寇梓州王建遣兵救之

東川顧彥朗卒其弟彥暉自知畱後十二月朝廷以彥暉為東川

節度使遣中使宋道弼賜旌節山南西道節度使楊守亮使楊守厚囚道弼奪旌節發兵攻梓州彥暉求救於王建遣其將華洪王宗侃等救之而密謂諸將曰爾等破賊彥暉必犒師汝曹於行營報宴因而執之無煩再舉宗侃破守厚七砦守厚走歸綿州彥暉具犒禮諸將報宴宗弼以建謀告之彥暉乃以疾辭東川由是與西川有隙

景福元年壬子夏六月王建圍彭州

正月威戎節度使楊晟

彭州爲威戎軍

與楊守亮約攻王建二月晟出兵

掠新繁漢州之境使其將呂蕤將兵二千會楊守厚攻梓州建遣行營都指揮使李簡擊蕤斬之建遣族子宗裕華洪等將兵五萬

攻彭州

按九域志彭州距成都九十里里北其壤地相接煙火相望彭州望所謂臥榻之側豈容他人鼾睡者也王建安得而不急

攻之楊晟逆戰而敗宗裕等圍之楊守亮遣其將符昭救之徑趨

成都營三學山建亟召華洪還昭引兵宵遁三月楊晟遣楊守貞

楊守忠楊守厚書使攻東川以解彭州之圍守貞等從之神策督

將竇行實戍梓州守厚密誘之爲內應守厚至浩城行實事泄顧

彥暉斬之守厚遁去守貞守忠軍至無所歸盤但綿劍間建遣其

將吉諫襲守厚破之西川將李簡邀擊守忠於鍾陽斬獲三千餘

人夏四月簡又破守厚於銅鉞斬獲三千餘人降萬五千人守忠

守厚皆走秋七月建圍彭州久不下民皆竄匿山谷諸寨日出俘

掠謂之淘虜有軍王先成者度諸將惟王宗侃最賢乃往說之曰

彭州本西川之巡屬也陳田以授楊晟使拒朝命今陳田已平而

晟猶據之州民皆之西川大府而司徒其主也故大軍始至民不

入城而入山谷以俟招安今軍士掠之而司徒不恤彼將更思楊氏矣宗侃惻然不覺屢移其牀前問之先成曰又有甚於是者今諸寨旦出淘虜倂薄暮乃返曾無守備之慮策伏兵門內望淘虜者稍遠使出奮擊又於三面城下各出耀兵諸寨咸自備禦無暇相救能無敗乎宗侃矍然曰此誠有之將若之何先成請條列爲狀以白建凡七條一乞招安山中百姓二乞禁諸寨淘虜三乞置招安寨選部將謹幹者執兵巡衛四乞招安之事願帖宗侃專掌五乞悉索所虜彭州百姓集於營場有父子兄弟夫婦自相認者即使相從送招安寨敢匿者斬六乞置九隴行縣於招安寨中撫理百姓給帖入山招其親戚七彭土宜麻民未入山多漚藏者宜令縣令曉諭各歸田里出而鬻之以爲資糧必漸復業建得之

大喜即行之悉如所申明日榜帖至威令赫然無敢犯者三日山中民競出赴寨如歸市寨不能容斥而廣之浸有市井又出麻之民見村落無抄暴之患稍辭縣令復其故業月餘招安寨皆空胡氏曰古人所以廣取士之路者爲賢才難知恐其遺也取之廣然後賢才不在下而在上賢才在上則下受其賜而亂無自起矣王先成走卒也王建得之遂不用兵而下一州然則人才之隱伏於鹿土草茅可勝計哉

卮言曰天下非無才也時危乃見耳亡論聖帝明王締構亨屯英君誼主草昧建侯雲蒸龍變豪傑景從卽僭國僞朝亦曷嘗無一二英才與之共事哉典午末若劉淵之陳元達石勒之張賓慕容之裴癡符堅之王猛姚萇之尹緯成李之閻式赫連之

王買德五季時若楊行密之表襲高勗劉漢之趙光裔吳越之羅隱高氏之梁震孫光憲徐氏之周本嚴可求馬氏之高郁輩皆盡心所事運籌折衝成其功業彼皆以撥亂匡時之手舉力僞庭夫亦遇時而顯亦若天所限耳

冬十二月王建遣兵擊楊守亮於閬州破之

八月李茂貞攻拔興元楊守信等奔閬州十二月建遣其將華洪擊守亮於閬州破之建遣節度押牙延陵鄭頊使於朱全忠

二年癸丑夏四月王建殺陳敬瑄田令孜

正月顧彥暉既與王建有隙李茂貞欲撫之使從已奏請更賜彥

暉節詔從茂貞又奏遣李繼密救梓州梓州未受兵而救之何也非救之也遣兵助顧彥暉

以致西川未幾建遣兵敗東川鳳翔之兵於利州彥暉求和請與

茂貞絕乃許之二月甲戌朝廷加建同平章事建屢請殺陳敬瑄

田令孜朝廷不許四月乙亥建使人告敬瑄謀作亂殺之新津

告令孜通鳳翔書下獄死建使節度判官馮涓草表奏之曰開匣

出虎孔宜父不責他人當路斬蛇孫叔敖蓋非利已專殺不行於

閩外先機恐失於穀中

乾寧元年甲寅夏五月王建克彭州殺楊晟

五月王建攻彭州城中人相食楊晟帥眾出戰王茂權斬之建攻彭州

踰兩期而後克亦備矣七月綿州刺史楊守厚卒其將常再榮舉城降建

二年乙卯秋七月王行約李繼鵬作亂上如石門鎮九月王建遣兵赴

援屯綿州

五月王行踰李茂貞韓建舉兵犯闕六月李克用舉兵討三鎮七

月王行約等作亂帝如石門鎮克用表請車駕還京師從之八月

帝至京師九月王建遣簡州刺史王宗瑤等將兵赴難軍於綿州

建遣兵赴難而軍於綿州何日至長安邪十一月雅州刺史王宗侃攻拔利州執刺史

李繼顥斬之李繼顥鳳翔將

劉氏曰援不書地書地譏也綿州緩辭也是故書次於白帝見

武陵之慢書屯白帝見王建之詐

冬十二月王建遣兵擊東川

王建奏東川節度使顧彥暉不發兵赴難而掠奪輜重遣瀘州刺

史馬敬儒斷峽路請與兵討之觀此則去年王宗瑤赴難之重非真以有勤王之心特借此以開東

川兵華洪大破東川兵於秋林俘斬數萬拔秋林寨建攻東川別

將王宗弼為東川兵所擒

三年丙辰夏五月荆南將許存降於王建

五月王建別將王宗夔攻拔龍州殺刺史田昉此時龍州當屬李茂貞

月果州刺史張雄降於建夏四月荆南成汭與其將許存沂江畧

地盡取濱江州縣武泰王建肇棄黔州取餘衆保豐都縣屬忠州存又

西取渝涪二州汭以其趙武為黔中留後存為萬州刺史趙武數

攻豐都王建肇不能守與存皆降於建建使存戍蜀州七月李茂

貞舉兵犯闕帝奔華州八月以建為鳳翔西面行營招討使欲使建討

李茂貞也

四月丁巳春正月王建遣華洪將兵攻東川

正月王建遣邛州刺史華洪彭州王宗祐將兵五萬攻東川以戎

州王宗謹為先鋒使敗鳳翔將李繼徽等於玄武縣屬梓州繼徽茂貞

之假子也建復遣都知王宗侃將兵八千趨渝州王宗阮將兵七千趨瀘州辛酉宗侃取渝州降刺史牟崇厚癸酉宗阮拔瀘州斬刺史馬敬儒峽路始通渝瀘皆東川巡屬王建志在廣地假通峽路進奉以爲名耳鳳翔將李繼昭救梓州留偏將守劔門西川將王宗播擊擒之

夏四月遣使和解兩川六月貶王建爲南州刺史

四月以右諫議李洵爲兩川宣諭使和解王建及顧彥暉五月建以張琳守成都自將兵五萬攻東川更華洪姓名曰王宗滌六月李茂貞表建攻東川連兵累歲不聽詔命甲寅貶建爲南州刺史乙卯以李茂貞爲西川節度使覃王嗣周爲鳳翔節度使茂貞不受代

胡氏曰王建豈特攻東川哉李茂貞山南巡屬諸州建取之多矣力不能制欲挾天子之令以臨之

冬十月復以王建爲西川節度使王建克梓州顧彥暉自殺

六月癸亥王建克梓州南寨執其將李繼寧李洵至梓州見建于張把砦建指執旗者曰戰士之情不可奪也秋七月建與顧彥暉五十餘戰九月朔圍梓州蜀州刺史周德權言於建曰公與彥暉爭東川三年士卒疲於矢石百姓困於輸輓東川羣盜多據州縣彥暉懦而無謀欲爲偷安之計皆啗以厚利恃其救援故堅守不下今若遣人諭賊帥以禍福來者賞之以官不服者威之以兵則彼之所恃反爲我用矣建從之彥暉勢益孤朝廷以李茂貞拒命復以建爲西川節度使同平章事十月壬子知遂州侯川紹帥衆二萬乙卯知合州王仁威帥衆千人戊午鳳翔將李繼溥以援兵

二千皆降於建建攻梓州益急顧彥暉舉族自殺建入梓州建攻東川

益三年而後克之城中兵尚七萬人建命王宗綰分兵洵昌普等州以王

宗滌為東川留後十二月壬戌建自梓州還戊戌至城都

十二月南詔驃信舜化上書

是歲南詔驃信舜化有上皇帝書由及督爽牒中書本夾年號中

興朝廷欲以詔書報之建上言南詔小夷不足辱詔書臣在西南

彼必不敢犯塞從之黎雅間有淺蠻曰劉王郝王楊王各有部落

黎雅西南大山長谷皆蠻居之所在深遠而三王部落居近漢界故曰淺蠻西川歲賜繒帛三十四匹使

覘南詔而蠻亦受南詔賂調成都虛實每節度使到官三王帥曾

長詣府節度使自謂威德所致表于朝廷而三王陰與大將相表

裏節度使或失大將心則教諸蠻紛擾先是節度使多文臣不欲

生事故大將常藉此以邀姑息而南詔亦憑之屢為邊患及建

西川絕其舊賜斬都押牙山行章以懲之山行章陳田舊將王神

之既以威示諸蠻亦除舊務盡邛峽之南不置鄣候不戍一卒蠻亦不敢侵盜其

後遣王宗播擊南詔三王漏泄軍事召而斬之

天台胡氏曰史言安邊之術惟洞知近塞蕃落情偽而折其姦

則外夷不敢有所侮而動

光化元年戊午冬十月以王宗滌為東川節度使鑑

正月以兵部尚書劉崇望充東川節度使五月聞王建已用王宗

滌乃召崇望還以宗滌為留後九月宗滌言於建以東川封疆五

千里文移往還動踰數月請分遂合瀘渝昌五州別為一鎮建表

言之十月丁巳以宗滌為東川節度使己未六月建復又表王宗

言之十月丁巳以宗滌為東川節度使己未六月建復又表王宗

信為武信節度使

三年庚申春二月以王建兼中書令

鑑

二月庚申以西川節度使王建兼中書令七月甲寅以建兼東川

信武軍兩道都指揮制置等使

時置武信軍於遂州信武當作武信王建兼指揮制置兩使則可以

制宗信蓋諷朝

廷以此命

天復元年辛酉秋七月西川亂王建遣兵討平之

增

王宗滌以疾求代王建表王宗裕為留後六月道士杜從法以妖

妄誘昌普合三州民作亂建遣王宗黯將兵三萬會東川武信兵

討之秋七月宗黯等討杜從法平之

冬十一月韓全誨等劫帝如鳳翔朱全忠引兵至鳳翔城東而還

是時宰相崔胤欲誅宦官而韓全誨深結李茂貞以自全胤急召

朱全忠舉兵入輔韓全誨等遂劫天子出幸鳳翔全忠引兵圍之

李茂貞閉城拒守韓全誨遣使徵兵於王建全忠亦遣使乞師于

建建外修好於全忠罪狀李茂貞而陰勸茂貞堅守許之救援十

二月王建以王宗信王宗滌等為扈駕指揮使將兵五萬聲言迎

車駕其實襲茂貞山南諸州

二年壬戌春二月王建取利州

增

西川兵至利州昭武節度使李繼志棄鎮奔鳳翔王建以劍州刺

史王宗偉為利州制置使

乾寧四年更感義軍曰昭武軍徙鎮利州李茂貞既兼山南欲以鎮兵捍王建

而終不能捍也建自此遂有利州

利八月王建取興元

八月西川兵請假道於興元

言假道以勤王

山南西道節度使李繼密遣

兵戍三泉以拒之辛丑西川前鋒將王宗播攻之不克退保山寨親吏柳修業謂宗播曰公舉族歸人不為之死戰何以自保播復帥眾決戰遂破金牛黑水西縣褒城四寨軍校秦承厚攻西縣矢貫左目達於右目王建自砥其創膿潰鏃出王宗播屯馬盤寨繼密戰敗奔還漢中西川軍乘勝至城下王宗滌帥眾先登遂克之繼密請降遷於成都得兵二萬騎五千宗滌入屯漢中詔以王宗滌為山南西道節度使宗滌有勇略得眾心建忌之王宗佶等疾其功復搆以飛語建召至成都詰責之宗滌曰三蜀略平東西川及漢川為二大王聽讒殺功臣可矣建命親隨唐道襲夜飲之酒溢殺之以王宗賀權興元留後

九月王建取洋州又十月王建取興州

九月戊申武定節度使李息敬以洋州降王建建又并有洋州之地

攻拔興州以王宗浩為刺史建又并有興州是時朱全忠圍鳳翔凡六月

於是茂貞山南州鎮皆入於建

三年癸亥秋八月進王建爵為蜀王

正月李茂貞誅韓全誨以與朱全忠和帝幸全忠營遂發鳳翔入長安四月王建出兵攻秦隴乘李茂貞之弱也遣判官韋莊入貢亦修好於朱全忠全忠遣王殷報聘建與之宴殷言蜀甲兵誠多但乏馬耳建作色曰當道江山險阻騎兵無所施然馬亦不乏押牙少留當共閱之乃集諸州馬大閱於星宿山官馬八千私馬四千部隊甚嚴整殷歎服建本騎將故得蜀之後於文黎維茂州市胡馬十五之間遂及茲數八月庚辰加建守司徒進爵蜀王

冬十月王建取夔忠萬施四州

是時荆南成汭死襄州趙匡凝遣其弟匡明襲據之前渝州刺史

王宗本言於王建諸出兵取荆南建從之以宗本為開道都指揮

使將兵下峽初夔州刺史侯矩從成汭救鄂州汭死矩犇還會

王宗本兵至矩以州降之宗本遂定夔忠萬施四州夔忠萬荆南

屬建復以矩為夔州刺史蜀之議者以瞿唐蜀之險要乃奔歸峽

屯軍于夔州荆南自此止領建以宗本為武泰留後武泰軍舊治

黔州宗本以其地多瘴癘請徙治涪州建許之史言王建金據峽

黔州西北至涪州一百八十二里

天祐元年甲子春二月王建遣兵迎車駕夏四月上至洛陽

正月梁王全忠表請帝遷都洛陽二月至陝遣間使以御札告難

於王建建以邛州刺史王祐為北路行營指揮使將兵會鳳翔

迎車駕至與平遇汴兵不得進而還建始自用墨制除官云俟

駕還長安表聞建賦歛重人莫敢言馮涓因建生日獻頌先美功

德後言生民之苦建愧謝曰如君忠諫功業何憂賜之金帛自是

賦歛稍損四月帝至洛陽

天台胡氏曰楊行密以便宜除官猶曰以李儼將命為據至王

建則自為之矣

五月趙匡凝攻夔州不克

趙匡凝遣水軍上峽攻王建夔州知渝州王宗阮等擊敗之萬州

刺史張武作鐵絙絕江中流立柵於兩端謂之鎖峽

六月李茂貞王建李繼徽合兵討朱全忠全忠拒之河中

王建復與李茂貞等全兵以討朱全忠七月西川諸將勸建乘李
茂貞之衰攻取鳳翔建以問節度判官馮涓涓曰兵者凶器殘民
耗財不可窮矣今梁晉虎爭勢不兩立若併而為一舉兵向蜀雖
諸葛亮復生不能敵矣鳳翔蜀之藩蔽不若與之和親結為婚姻
無事則務農訓兵保保固疆場有事則覘其機事觀釐而動可以
萬全建曰善茂貞雖庸才然有強悍之名遠近畏之與全忠力爭
則不足自守則有餘使為吾藩蔽所利多矣乃與茂貞修好王建
山南諸州阻關而守關外倚李茂貞為藩蔽故與之修好好茂貞遣判官趙錕如西川為其姪
繼勳求婚建以女妻之茂貞數求貨及甲兵於建建皆與之八月
朱全忠弒昭宗于椒殿昭宣帝即位

昭宣帝天祐二年丑秋八月王建取金州

五月趙匡凝遣使修好於王建八月建遣王宗賀等將兵擊昭信

馮行襲於金州

行襲附朱全忠

九月匡凝為梁所攻奔淮南其弟匡明帥

眾二萬奔於建王宗賀等攻馮行襲所向皆捷丙子行襲奔金州
奔均州其將全師朗以城降建更姓名曰王宗朗補金州觀察使
割渠巴開三州以隸之

三年

丙寅

冬十月王建立行臺

王建始立行臺於蜀建東向舞蹈號慟言曰自大駕東遷制命不
通請權立行臺用李晟鄭畋故事承制封拜仍以榜帖告諭所部
四年梁開平元丁卯夏四月梁王全忠稱皇帝奉唐帝為濟陰王淮南西川
移檄興復唐室

四月梁王全忠更多冕稱皇帝廢唐主以兵守之時惟河東鳳翔

淮南稱天祐西川稱天復年號餘皆稟梁正朔蜀王建與楊渥移檄諸道云欲與岐王晉王會兵興復唐室卒無應者建乃謀稱帝遺晉王書云請各帝一方晉王復書不許曰誓於此生靡敢失節秋九月蜀王王建稱帝尹氏發明詳吳章蜀王建議稱帝將佐皆以為然馮涓獨獻議請以蜀王稱制曰朝興則未爽稱臣爽失也賊在則不同為惡不從涓杜門不出建用副使掌書記韋莊之謀即皇帝位以王宗佶韋莊為宰相唐道襲為內樞密使時唐衣冠之族多避亂奔蜀蜀主禮而用之使修舉政事故其典章文物有唐之遺風

學海君道部卷之一百七十二終

學海君道部卷之一百一十

創業類四十八

偽命分爭十

唐末十國篇

吳越錢鏐據兩浙章

武肅王錢鏐杭州臨安人初事董昌為石鏡鎮裨將

歐史曰錢鏐臨安人初取塩為盜縣錄事鍾起有子數人與鏐飲博起嘗禁之豫章人有善術者望斗牛間有王氣因遊錢塘見鏐大驚顧謂起曰此真貴人也起始縱其子等與鏐遊時時貸其窮

乏鏐善射與槩稍通圖緯諸書乾符二年乙未浙西裨將王郢作亂臨安人董昌以土團討賊有功補石鏡鎮將戊戌冬至仙芝餘

黨曹師雄寇掠二浙杭州募諸縣鄉兵各千人以討之昌與劉孟
安阮結杜稜等各為都將號杭州八都昌為之長鏐以驍勇事昌
以功為石鏡都知兵馬使是時黃巢眾已數千攻掠浙東至臨安
鏐以奇兵敗之賊不敢犯急引兵過淮南節度使高駢聞而壯之
僖宗中和元年辛丑秋九月以董昌為杭州刺史
高駢召董昌至廣陵欲與共擊黃巢久之昌將錢鏐說昌曰觀高
公無討賊心不若以扞禦鄉里為辭而去之昌從之駢聽昌還會
杭州刺史路審中將之官行至嘉興昌自石鏡引兵入據杭州審
中懼而還昌自稱知州事遣將吏請於鎮海節度使周寶寶不能
制表為杭州刺史

二年壬寅七月劉漢宏寇杭州董昌討破之

七月浙東觀察使劉漢宏

初漢宏掠江陵為羣盜朝廷討降之以為浙東觀察

遣弟漢宥

辛約將兵二萬營于西陵謀兼并董昌遣錢鏐乘霧夜濟江襲
營大破之所殺殆盡漢宥辛約皆走十月漢宏又遣王鎮將兵七
萬屯西陵鏐復夜濟江襲擊大破之斬獲萬計鎮奔諸暨癸卯春
劉漢宏分兵屯黃嶺巖下真女三鎮鏐將八都兵自富春擊之破
黃嶺擒巖下鎮將史弁真女鎮將楊元宗漢宏以精兵屯諸暨鏐
又擊破之漢宏走癸卯十月漢宏將十餘萬眾出西陵將擊董昌
鏐濟江逆戰大破之漢宏易服持鱸刀而遁復收餘眾四萬復戰
鏐又破之斬其弟漢容及將辛約甲辰三月婺州人王鎮執刺史
黃碣降于鏐劉漢宏遣其將婁賚殺鎮而代之浦陽鎮將蔣瓌召
鏐兵共攻婺州擒賚而還

光啓二年丙午冬十一月董昌取越州

董昌謂錢鏐曰汝能取越州吾以杭州授汝鏐曰然不取終為後患遂將兵自諸暨趨平水鑿山開道五百里出曹娥埭浙東將鮑君福帥眾降之鏐與浙東軍戰屢破之進屯豐山十一月鏐克越州劉漢宏奔台州刺史杜惟執送昌斬之昌徙鎮越州以鏐知杭州事三年丁未春正月以董昌為浙東觀察使錢鏐為杭州刺史冬十二月錢鏐取潤州

四月舉師鐸囚高駢淮南大亂六合鎮將徐約攻取蘇州鎮海軍將劉浩逐其節度周寶寶奔常州依刺史丁從實浩推薛朗為留後五月錢鏐遣都將杜稜阮結成及等將兵討朗六月稜等敗朗將李君暉于陽羨十月稜等拔常州丁從實奔海陵鏐奉周寶歸

杭州屬橐鞬其部將禮郊迎之十二月乙未寶病卒鏐以杜稜常州制置使命阮結等進攻潤州丙申克之劉浩走擒薛朗以歸剖其心以祭寶以阮結為潤州制置使戊申秋九月鏐遣其從弟鉢將兵攻徐約于蘇州是歲僖宗崩昭宗即位

昭宗龍紀元年西配春三月錢鏐取蘇州

三月錢鏐拔蘇州徐約亡入海而死錢鏐以都將沈粲權知蘇州五月阮結卒于潤州鏐以成及代之

景福元年壬子夏四月以錢鏐為武勝軍防禦使

是時楊行密孫儒爭淮南與錢鏐戰蘇常間久之儒為行密所殺行密據淮南取常潤州而鏐亦取蘇州朝廷升越州為威勝軍以董昌為節度使封龍西郡王杭州為武勝軍以鏐為防禦使鏐乃

以杜稜阮結顧全武等爲將校沈崧皮光業林鼎羅隱爲賓客

二年

癸丑

秋九月以錢鏐爲鎮海節度使

閏五月以錢鏐爲蘇杭觀察使七月鏐發民夫二十萬及十三都軍士築杭州羅城周七十里九月丁卯以鏐爲鎮海軍節度使潤州刺史甲寅五月加同中書門下平章事

乾寧二年

乙卯

春二月董昌僭號於越州夏六月錢鏐遣其將顧全武

討董昌

二月董昌稱帝于越州以錢鏐爲兩浙都指揮使鏐遣昌書曰與其閉門作天子與九族百姓俱陷塗炭豈若開門作節度使終身富貴邪及今悛悔尚可及也昌不聽鏐乃將兵三萬詣越州城下至迎恩門見昌再拜言曰大王位兼將相柰何捨安就危鏐將兵

此來以俟大王改過耳若天子命將出師縱大王不自惜鄉里人民何罪隨大王滅族乎昌懼致犒軍錢三百萬執首謀者呈及巫覡數人送於鏐且請待罪天子鏐引其遠以狀聞四月詔鏐罪縱歸田里鏐表昌僭逆不可赦請以本道兵討之楊行密遣使詣鏐言昌已改過宜釋之鏐不聽五月朝廷詔削昌官爵委鏐討之六月庚寅以鏐爲浙東招討使封郡王鏐復發兵擊昌九月昌求救於楊行密密遣臺濛攻蘇州以救之十月行密復遣田頔安仁義攻杭州鎮戍以救昌昌使湖州將徐淑會淮南將魏約共圍嘉興鏐遣其將顧全武救嘉興破烏墩光復二寨淮南將柯厚破蘇州水柵十二月加鏐兼侍中

三年

丙辰

夏五月錢鏐克越州董昌伏誅

正月辛未安仁義以舟師至湖州欲度江應董昌錢鏐遣武勇都指揮使顧全武都知兵馬使許再思守西陵仁義不能度昌遣其將湯曰守石城表邠守餘姚二月戊辰顧全武許再思敗湯曰于石城朝廷復用楊行密之請赦董昌復其官爵鏐不從三月己酉顧全武等攻餘姚明州刺史黃晟遣兵助之董昌遣其將徐章救餘姚全武擊擒之四月淮南兵與鎮海兵戰于皇天蕩鎮海兵不利楊行密遂圍蘇州戊寅表邠以餘姚降于鏐顧全武許再思進兵至越州城下五月昌出戰而敗嬰城自守全武等圍之昌始懼去帝號復稱節度使癸未蘇州常熟鎮使陸郢以州城應楊行密虜刺史成及鏐聞蘇州陷急召顧全武使趨西陵備行密全武曰越州賊之根本柰何垂克而棄之請先取越州後復蘇州鏐從之

甲午夜全武急攻越州乙未旦克其外郭董昌猶據牙城拒之鏐遣昌故將駱圍紹昌云奉詔令大王致仕歸臨安昌乃送牌印而出己亥全武遣吳璋以舟載昌如杭州至小江南斬之傳首京師鏐入越州散金帛以賞將士開倉以振貧乏八月加鏐檢校太尉兼中書令以王搏充威勝節度使冬十月以錢鏐為鎮海鎮東節度使十月錢鏐令兩浙吏民上表請以鏐兼領浙東朝廷不得已復以王搏同平章事以鏐為鎮海威勝兩軍節度使更名威勝曰鎮東軍十一月淮南將安仁義攻婺州

四年丁巳夏兩浙擊淮南兵破之

正月錢鏐使杜稜救婺州安仁義移兵攻睦州不克而還四月辛

亥鏐遣顧全武等將兵三千自海道救嘉興己未至城下擊淮南
兵大破之癸亥全武等又破淮南十八營虜淮南將士魏約等三
千人淮南將田頽屯驛亭埭全武等乘勝逐之甲戌頽自湖州奔
還復追敗之頽衆死者千餘人六月己酉鏐如越州受鎮東節鉞
七月庚戌鏐還杭州號越州爲東府遣顧全武取蘇州乙未拔松
江戊戌拔無錫辛丑拔常熟華亭九月湖州刺史李彥徽欲以州
附于楊行密其衆不從彥徽犇廣陵都指揮使沈攸以利州歸鏐
光化元年戊午秋九月錢鏐克蘇州

正月錢鏐請徙鎮海軍於杭州從之三月淮南將周本救蘇州兩
浙將顧全武擊破之淮南將秦裴以兵三千人拔崑山而戍之九
月顧全武攻蘇州城中及援兵食皆盡甲申臺濛棄城走援兵亦
遁全武克蘇州追敗周本等于望亭獨秦裴守崑山不下全武帥
萬餘人攻之裴屢出戰食盡乃降鏐以其將曹圭爲蘇州制置使
遣王鈇攻婺州十一月衢州刺史陳岌請降于楊行密鏐使全武
討之十二月楊行密遣成及等歸兩浙以易魏約等鏐許之

二年乙未春正月錢鏐遣兵攻婺州不克

正月王球圍婺州刺史王擅求救于宣歙田頽頽遣康儒等救之
球敗爲儒等所擒淮南遂取婺州庚申正月康儒攻睦州鏐使其
從弟鈇拒之敗儒于軒渚儒食盡遁歸

天復元年辛酉冬十月楊行密攻杭州擒其將顧全武

五月己酉加鎮海鎮東節度使錢鏐守侍中八月楊行密遣其將
李神福等將兵取杭州兩浙將顧全武等列八寨以拒之神福設

伏誘之生擒全武鏐聞之驚泣云喪我良將神福進攻臨安兩浙將秦祖帥眾三千降之十二月李神福以臨安久不拔欲歸恐為鏐所邀乃遣子衛鏐祖考丘壠又使顧全武通家信鏐遣使謝之神福于要路長旗幟為虛寨鏐以為淮南兵火至遂請和神

福受其犒賂而還明年人遣顧全武歸杭州以易秦裴鏐大喜遣還

二年癸丑夏五月進錢鏐爵為越王

五月鎮海鎮東節度使彭城王錢鏐造爵越王

秋八月兩浙軍亂九月田頔攻杭州冬十一月錢鏐拒擊田頔破之

初孫儒死其士卒多奔鏐愛其驍悍以為中軍號武勇都行

軍司馬杜稜諫曰狼子野心他日必為深患請以土人代之不從

鏐如衣錦軍命右都指揮使徐綰帥眾治溝洫成及聞士卒怨言

白鏐請罷役不從丙戌鏐臨饗諸將綰謀殺鏐於座不果稱疾先

出鏐怪之丁亥命綰將所部先還杭州及外鎮縱兵焚掠武勇左

都指揮使許再思以迎候兵與之合進逼牙城鏐子傳瑛與三城

都指揮使馬綽等閉門拒之牙將潘長擊綰綰退屯龍興寺鏐還

及龍泉聞變疾驅至城北使成及建鏐旗鼓與綰戰鏐微服乘小

舟夜抵牙城東北隅踰城而入直更卒憑鼓而寐鏐親斬之城中

始知鏐至武安都指揮使杜建徽自新城入援徐綰聚木將焚北

門建徽悉焚之湖州刺史高彥聞難遣其子渭將兵入援至靈隱

山綰伏兵擊殺之九月或勸鏐度江東保越州以避徐許之難杜

建徽按劍叱之曰事或不濟同死于此豈可復東度乎鏐恐徐綰

等據越州遣大將顧全武將兵戍之全武曰越州不足往不若之
廣陵鏐曰何故對曰聞綰等謀召田頽至淮南助之不可敵也建
徽曰孫儒之難王嘗有德於楊公今往告之宜有以相報鏐遣武
告急於楊行密全武曰徒往無益請得王子爲質鏐命其子傅瓌
微服爲全武僕與偕之廣陵且求昏於行密綰等果召田頽頽引
兵赴之先遣親吏何饒謂鏐曰請大王東如越州空府庫以相待
無爲殺士卒鏐報曰軍中叛亂何方無之公爲節帥乃助賊爲逆
戰則亟戰又何大言頽築壘絕往來之道鏐患之募能奪其地者
賞以州衢州制置使陳章將卒三百出城奮擊遂奪其地鏐卽以
爲衢州刺史顧全武至廣陵說楊行密曰使田頽得志以爲王患
王召頽還錢王請以其子傅瓌爲質且求昏行密許之以女妻傅

瓌十一月田頽急攻杭州仍具舟將自西陵度江鏐遣其將盛茂
朱郁拒破之十二月楊行密亦使人召田頽曰不還吾且使人代
鎮宣州頽取鏐次子傅瓘爲質將妻以女與徐綰許再思同歸宣
州 越州客軍指揮使張洪以徐綰之黨自疑帥步兵三百奔衢
州刺史陳章納之温州將丁章逐刺史朱敖敖奔福州章據温州
田頽遣使招之道出衢州陳章聽其往還鏐由是恨章

三年 癸亥秋七月錢鏐遣兵討睦州

增

七月睦州刺史陳詢叛錢鏐舉兵攻蘭溪鏐遣指揮使方永珍擊
之杜建徽與詢連姻鏐疑之建徽不言會詢親吏來奔得建徽與
詢書皆勸戒之辭鏐乃悅建徽從兄建思諧建徽私畜兵仗謀作
亂鏐使人索之建徽方食使者直入臥內建徽不顧鏐以是益親

重之十月田頽叛楊行密行密求兵于鏐鏐遣方永珍屯潤州從弟鎰屯宣州又遣楊習攻睦州十一月楊行密克宣州斬田頽遣傳瓊歸杭州

天祐元年甲子夏四月更封錢鏐為吳王

二月梁王朱全忠表請遷都洛陽三月楊行密遣傳瓊及其婦并顧全武歸錢塘夏四月鏐遣使求封吳越王朝廷不許朱全忠為之言於執政乃更封吳王八月全忠弑帝于椒殿太子祝即位是為

昭宣帝十一月鏐遣衢州羅城使葉讓殺刺史陳璋事泄十二月璋斬讓而叛降于楊行密

昭宣帝天祐二年甲子

正月兩浙將楊習等圍陳詢于睦州楊行密遣其將陶雅將兵救

之錢鏐遣其從弟鎰及顧全武王球禦之為雅所敗虜鎰及求以歸四月陶雅會衢睦兵攻婺州鏐遣其弟鏐將兵救之八月鏐復遣方永稽救婺州九月陶雅陳璋拔婺州執刺史沈夏以歸璋進攻暨陽方習敗之習進攻婺州十二月陳詢不能守睦州奔于廣陵陶雅入據其城

三年丙寅春正月錢鏐復取睦州

正月陶雅引兵還歙州鏐復取睦州陳璋聞陶雅歸歙自婺州退保衢州兩浙將方永珍等取婺州進攻衢州圍之八月璋告急于淮南楊渥遣周本將兵迎璋璋率眾歸于本方永珍等遂取衢州是時楊渥怒其宣州觀察使王茂章以兵襲之茂章奔杭州更名景仁鏐表為鎮東副使

丁卯唐天祐四夏四月梁王全忠稱皇帝秋八月梁以錢鏐為吳越

王

吳王鏐遣其子傳瓌傳瓘討盧侏于溫州四月侏將水軍拒之于青澳錢傳瓘曰侏之精兵盡在于此不可與戰乃自安固捨舟間道襲溫州戊午溫州潰擒侏斬之吳王鏐以都監使吳璋為溫州制置使命傳瓌等移兵討盧約于處州四月梁王全忠稱皇帝奉唐帝為濟陰王判官羅隱說鏐舉兵討梁曰縱無成功猶可退保杭越自為東帝奈何交臂事賊為終古之羞乎鏐始以隱為不遇于唐必有怨心及聞其言雖不能用心甚義之五月梁以鏐為吳越王盧約以處州降鏐八月辛亥梁以鏐兼淮南節度使充本道招討制置使

戊辰秋九月淮南遣兵攻吳越圍蘇州

八月吳越王鏐遣寧國節度使王景仁奉表詣大梁陳取淮南之策淮南遣周本呂師造擊吳越九月圍蘇州吳越將張仁保攻常州之東州拔之淮南陳璋帥柴再用等復取東州

己巳夏四月吳越擊淮南兵破之

四月淮南兵圍蘇州推洞屋攻城吳越將臨海孫瑛置輪於竿首垂絙投錐以揭之攻者盡露礮至則張網以拒之淮南人不能克吳越王鏐遣牙內指揮使錢鏐行軍副使杜建徽等將兵救之蘇州有水通城中淮南張網綴鈴懸水中魚鱉過皆知之吳越遊奕都虞侯司馬福欲潛行入城故以竿觸網敵聞鈴聲舉網福因得過凡居水中三日乃得入城由是城中號令與援兵相應敵以為

神吳越王鏐嘗遊府園見園卒陸仁章樹藝有智而志之及蘇州被圍使仁章通信入城果得報而返鏐以諸孫畜之累遷兩府軍糧都監使卒獲其用仁章睦州人也辛亥吳越兵內外合擊淮南兵大破之擒其將何朗等三十餘人奪戰艦二百艘周本夜遁又追敗之于皇天蕩鍾泰將精兵二百爲殿多樹旗幟於菰蔣中追兵不敢進而還

庚午春三月吳越復取湖州

初湖州刺史高澄叛附淮南舉兵焚義和臨平鎮吳越王鏐命指揮使錢鏐討之高澄求救于吳吳常州刺史李簡等將兵應之湖州將盛師友沈行思閉城不內澄帥麾下五千人奔吳三月癸巳吳越王鏐巡湖州以鏐爲刺史

秋七月

吳越王鏐表宦者周延壽等二十五人唐末避楊至此非劉韓之黨乞原之梁王曰此屬吾知其無罪但今草莽之初不欲留于禁軍

八月吳越築杆海石塘廣杭州城

吳越王鏐築杆海石塘廣杭州城大修臺館由是錢塘富庶盛于東南

冬十月

吳越王鏐之巡湖州也留沈行思爲巡檢使與盛師友俱歸行思謂同列陳瓌曰王若以師友爲刺史何以處我時瓌已得鏐密旨遣行思詣府乃給之曰何不自詣王所論之行思從之既至數日

瓌送其家亦至行思疑瓌賣已鏐自依禁軍歸將吏迎謁行思取
鍛鎚擊瓌殺之因詣鏐與師友論功奪左右槊欲刺師友衆執之
鏐斬行思以師友爲婺州刺史

壬申

梁乾
化二

秋七月梁加吳越王鏐尚父

六月梁郢王友珪弑其父晃而自立七月甲寅加鏐尚父

癸酉春吳攻吳越吳越擊破之

二月梁均王友貞起兵討友珪誅之友貞立于大梁更名填三月
吳行營招討使李濤帥衆二萬出千秋嶺攻吳越衣錦軍吳越王
鏐以其子湖州刺史傅瓘爲北面應援都指揮使以救之睦州刺
史傅瑯爲招討收復都指揮使將水軍攻吳東洲以分其兵勢四
月千秋嶺道險狹錢傳瓘使人伐木以斷吳軍之後而擊之吳軍

大敗虜李濤及士卒三千餘人以歸五月吳遣宣州副指揮使花
虔將兵會廣德鎮遏使渦信屯廣德將復寇衣錦軍吳越錢傳瓘
就攻之六月吳越錢傳瓘拔廣德虜花虔渦信以歸九月吳越王
鏐遣其子傳瓘傳瑯及大同節度使傅瑛攻吳常州營于藩菲徐
溫曰浙人輕而怯帥諸將倍道赴之至無錫黑雲都將陳祐言于
溫曰彼謂吾遠來罷倦未能戰請以所部乘其無備擊之乃自它
道出敵後溫以大軍當其前夾攻之吳越大敗斬獲其衆

丙子

梁貞
明二

秋七月梁以吳越王鏐爲諸道兵馬元帥

五月吳越王鏐遣浙西吳安撫判官皮光業自建汀虔郴潭岳荆
南道入貢秋七月梁王嘉吳越王鏐貢獻之勤壬戌加鏐諸道兵
馬元帥朝議多言鏐之入貢利于市易不宜過以名器假之翰林

學士竇夢徵執麻以泣坐貶蓬萊尉

冬十二月吳越與閩通好

吳越先鋒都指揮使錢傳瓘逆婦于閩自是閩與吳越通好

丁丑冬十月梁以吳越王鏐爲天下兵馬都元帥

戊寅春三月吳越王鏐初立元帥府

冬十一月吳取虔州

先是吳越王鏐常自虔州入貢是冬十一月吳取虔州至是遂絕始自海道出登萊抵大梁

己卯夏四月吳越擊吳戰于狼山破之

三月梁詔吳越王鏐大舉討淮南鏐以節度副大使傳瓘爲詣軍都指揮使帥戰艦五百艘自東洲擊吳吳遣舒州刺史彭彥章及

陳汾拒之四月錢傳瓘與彭彥章遇傳瓘命每船皆載灰豆及沙乙巳戰于狼山江吳船乘風而進傳瓘引舟避之旣過自後隨之吳回船與戰傳瓘使順風揚灰吳不能開自及船舷相接傳瓘使布沙于已船而散豆于吳船豆爲戰血所漬吳人踐之皆僵仆傳瓘因縱火焚吳船吳兵大敗彥章戰甚力兵盡繼之以大身被數十創陳汾按兵不救彥章知不免遂自殺傳瓘俘吳裨將七千人斬首千餘級焚戰艦四百艘吳人誅汾籍沒家貲以其半賜彥章家稟其妻子終身

秋七月吳越攻吳常州吳人與戰破之

六月吳人敗吳越兵于沙山七月吳越王鏐遣錢傳瓘將兵三萬攻吳常州吳都招討使徐溫帥諸將拒之右雄武統軍陳瑄以水

軍下海門出其後壬申戰于無錫會溫病熱不能治軍吳越攻中
軍飛矢雨集鎮海節度判官陳彥謙遷中軍旗鼓于左取貌類溫
者擐甲胄號令軍事溫得少息俄頃疾稍間出拒之時久旱草枯
吳人乘風縱火吳越兵亂遂大敗殺其將何逢吳建斬首萬級傳
瓘遁去追至山南復敗之陳璋敗吳越于香灣諸將皆以吳越所
恃者舟楫今大旱水道涸此天亡之時宜盡步騎之勢一舉滅之
溫嘆曰天下離亂久矣民困已甚錢公亦未易可輕言連兵不解
方爲諸君之憂今戰勝以懼之戢兵以懷之使兩地之民各安其
業君臣高枕豈不樂哉多殺何爲遂引還吳越王鏐見何逢馬悲
不自勝故將士心附之寵姬鄭氏父犯法當死左右爲之請鏐曰
豈可以一婦人亂我法出其女斬之鏐自少在軍中夜未嘗寐倦

就圓木小枕或枕大鈴寐熟則欹而寤名曰警枕置粉
臥內有所記則書盤中比老不倦或寢方酣外有白事者令侍女
振紙卽寤時彈銅丸于樓墻之外以警直更者嘗微行夜叩北城
門吏不肯啓關曰雖大王來亦不可啓乃自佗門入明日召北門
吏厚賜之

八月吳與吳越連和

吳徐溫遣使以吳王書歸無錫之俘于吳越吳越王鏐亦遣使請
和于吳自是吳國休兵息民三十餘州民樂業者二十餘年吳王
及徐溫屢遣吳越王鏐書勸鏐白王其國鏐不從九月丙寅詔削
劉巖官爵命吳越王鏐討之鏐雖受命竟不行

胡氏曰受命者不逆梁之意不行者不肯自弊其力以伐與國

此割據者之常情也

冬十二月吳越求昏于楚

鑑

吳越王鏐遣使為其子傅琇求昏于楚楚王殷許之

辛巳

梁龍德元年

春二月

三月吳人歸吳越王鏐從弟龍武統軍謚于錢塘鏐亦歸吳將左

濤于廣陵徐溫以濤為右雄武統軍鏐以謚為鎮海節度副使

癸未

梁龍德三後唐莊宗存勗同光元年

春二月梁以錢鏐為吳越國王

二月梁主遣兵部侍郎崔協等冊命吳越王鏐為吳越國王丁卯鏐始建國儀衛名稱多如天子之制謂所居曰宮殿府署曰朝廷教令下統內曰制敕將吏皆稱臣惟不改元表䟽首稱吳越國而不言軍以清海節度使兼侍中傅琇為鎮海鎮東留後總軍府事

置百官有丞相侍郎郎中員外郎客省等使

通鑑考異曰鏐功臣諸子領節制背署而後請命居室服御窮

極侈靡末年荒恣尤甚錢氏據兩浙逾八十外厚貢獻內事

奢僭地狹民衆賦歛苛暴雞魚卵菜悉收取升斗之逋罪至

鞭背每笞一人則諸按吏各持其箠列于庭先唱一簿以所負

多少為數笞已次吏復唱而笞之諸簿乃止少者猶笞數十

多者至五百餘訖于國除人若其攻吳越備史稱鏐節儉衣食

用細布常繕惟甕漆器寢帳壞文穆夫人欲易以青繒鏐不許

嘗歲除夜曾子孫鼓琴未數曲止之曰聞者以我為長夜之飲

遂罷錢易家話稱鏐公宴不貳羹葢衣必三澣然後易劉恕以

為錢元瓘子信撰吳越備史備史遺事忠懿王勳業志戊申英

政錄弘侗子易撰家話倣子惟演撰錢氏慶系圖譜家王故事
秦國王貢奉錄故吳越五王行事失實尤多虛美隱惡甚于佗
國按錢鏐起于貧賤知民疾苦必不至窮極侈靡其奢汰暴斂
之事蓋其子孫所爲也今從家話

卮言曰錢鏐宮室侈靡而衣食儉素賦歛苛急而家法嚴整諸
書所載自不相妨

夏四月晉王存勗稱帝于魏州國號唐冬十月唐主入大梁梁主瑱
自殺唐遂滅梁

甲申

唐同光二

冬吳越入貢于唐

十月吳越王鏐復修本朝職貢唐主遂因其爵而命之鏐厚貢獻
并賂權要求金印玉冊賜詔不名稱國王有司言故事惟天子用

玉冊王公皆用竹冊又非四夷無封國王者唐主皆曲從鏐意

乙酉秋九月唐遣使如吳越

增

八月丁亥遣吏部侍郎李德休等賜吳越國王玉冊金印紅袍御
衣閏十二月吳越王鏐遣使者沈陷致書以受玉冊封吳越國王
告于吳吳人以其國名與已同不受書遣塔還仍戒境上無得通
吳越使者及商旅

丙戌冬吳越改元

三月吳越王鏐有疾如衣錦軍命鎮海鎮東節度使留後傅瓘監
國吳徐溫遣使來問疾左右勸鏐勿見鏐曰溫陰狡此名問疾實
使之覘我也彊出見之溫果聚兵欲襲吳越聞鏐瘳而止鏐尋還
錢塘四月唐李嗣源入大梁伶人郭從謙弒其主存勗李嗣源入

洛陽遂自立是歲吳越王鏐以中國喪亂朝命不通改元寶正其
後復通中國乃諱而不稱

己丑唐天成四年秋七月唐削錢鏐官爵

吳越王鏐居其國好自大朝廷使者曲意奉之則贈遺豐厚不然
則禮遇踈薄嘗遣安重誨書辭禮頗倨詔遣供奉官烏昭遇韓玫
使吳越昭遇與玫有隙使還玫奏昭遇見鏐稱臣拜舞謂鏐為殿
下反私以國事告鏐安重誨奏賜昭遇死癸巳制鏐以太師致仕
自餘官爵皆削之凡吳越奏進官使者綱吏令所在繫治之鏐令
子傳瓘等上表訟寃皆不省

薛史曰錢鏐致書安重誨云吳越國王致書于某官執事不敘
然重誨怒其無禮

劉氏曰方鎮削官爵必書故不書故削無罪也于是重誨之專
甚矣故以太師致仕不書書削官爵病唐也

辛卯唐長興二年春三月唐復錢鏐官爵

庚寅十月錢鏐因朝廷冊闈王使者裴羽還附表引咎其子傳瓘
及將佐屢為鏐上表自訴癸卯敕聽兩浙綱史自便三月乙酉復
以錢鏐為天下兵馬都元帥尚父吳越國王遣監門上將軍張籤
往諭旨以勳日致仕安重誨矯制也

壬辰春三月吳越武肅王錢鏐卒子元瓘嗣

鏐寢疾謂將吏曰吾疾必不起諸兒愚懦誰可為帥者眾泣曰兩
鎮令公仁孝有功孰不愛戴鏐乃悉出印鑰授傳瓘曰將吏推爾
宜善守之又曰子孫善事中國勿以易姓廢事大之禮庚戌卒傳

瓘與兄弟同幄行喪內牙指揮使陸仁章曰令公嗣先王霸業將
吏日暮趨謁當與諸公子異處乃命主者更設一幄扶傳瓘居之
禁諸公子從者毋得妄入鏐未年左右皆附傳瓘獨仁章數以事
犯之至是傳瓘勞之仁章曰先王在位仁章不知事令公今日盡
節猶事先王也傳瓘嘉歎久之傳瓘既襲位更命元瓘以遺命去
國儀用藩鎮法除民田荒絕者租稅命處州刺史曹仲達權知政
事置擇能院掌選舉殿最以浙西營田副使沈崧領之內牙指揮
使劉仁杞及陸仁章久用事仁章性剛仁杞好毀短人皆爲衆所
惡一日諸將共詣府門請誅之元瓘使從子仁俊諭之曰二將事
先王久吾方圖其功汝曹乃欲逞私憾而殺之可乎吾爲汝主汝
當稟吾命不然吾當歸聽安以避賢路衆懼而退乃以仁章爲衢

州刺史仁杞爲湖州刺史中外有上書告計者元瓘皆置不問
且將吏輯睦七月巳丑唐加元瓘守中書令癸巳秋七月唐以
瓘爲吳王甲午正月唐主從厚以鎮海鎮東節度使吳王元瓘爲
王逃王是月唐潞王從珂反鳳翔四月入洛陽弒從厚而自立
丙申冬契丹立石敬瑭爲晉皇帝敗唐兵于團柏唐主從珂自焚
死敬瑭入洛陽是年四月晉遷都汴州吳越王元瓘復建國如同
光故事丙申赦境內立其子弘偉爲世子以曹仲達沈崧皮光業
爲丞相鎮海節度判官林鼎掌教令

卮言曰嘗謂帝王之受命而興者有其父必有其子也乃偏霸
僭王亦多有之如慕容苻姚成李數涼以至五季之閩廣吳越
荆南徃徃亦以未集之志詒諸子而其子卒能恢弘前緒垂綿

延歷世豈不賢于梁唐晉漢周之朝不數十年而七易姓骨未
寒而妻子爲虜哉錢鏐之末元瓘之初是時中原數亂李嗣源
李從珂石敬瑭輩皆以藩臣弑君篡國義不足以令諸侯錢氏
世據吳越建國自王夫復何慙而區區聽命于中朝者亦以一
隅之地終難以抗衡大國也或者又以其改元爲僭不改元爲
順夫亂臣賊子而竊尊位何正朔之與有由此言之吳越雖改
元可也



